

مسرحية
الفرعون الأخير

طبعة ثانية

١٤٢٧ هـ - فبراير ٢٠٠٦ م



٩ شارع السعادة - أبراج عثمان - روكسى - القاهرة

تليفون وفاكس: ٤٥٠١٢٢٨ - ٤٥٠١٢٢٩ - ٢٥٦٥٩٣٩

Email: < shoroukintl @ hotmail. com >

< shoroukintl @ yahoo.com >

الفرعون الأخير

مسرحية من فصلين

أ.د. وجدى زيد

مكتبة الشرق الدولية



obeikandi.com

مقدمة

الخروج من التاريخ

هذا بلاغ أقدمه عن جريمة ارتكبتها العالم ضد مصر والمصريين عن عمد وبشكل منظم على مدى آلاف السنين، جريمة شارك فيها كل من غزا مصر واستعمرها، أنا لا أتحدث عن آثار مصر المنهوبة التي تزهو وتترين بها متاحف لندن وباريس ونيويورك وغيرها من متاحف العالم، ولا أتحدث عن مصادر مصر وخيراتها التي اغتصبها المستعمرون، وإنما أتحدث عن جريمة أكثر بشاعة وقسوة: لقد سرق الغزاة المستعمرون العقل المصرى وإنجازاته عبر عصور طويلة وأجبروا مصر والمصريين على الخروج من التاريخ فى النهاية، ودفعوا فيها الإنسان المصرى إلى نفق طويل مظلم أجبر فيه العقل المصرى على أن ينسى أنه كان ليس فقط معلم الإنسانية، بل إنه صاحب الحضارة الوحيدة التى دفعت الخيال والطموح الإنسانى إلى قمم لم تعرفها حضارة أخرى .

يقول ت. إس. إليوت إن الحضارة الغربية تبدأ بالإغريق، والمعنى هنا واضح: كل عباقرة الفكر الإغريقى - هوميروس وأفلاطون وأسكيوس وسوفوكليس وغيرهم - ينتمون إلى الغرب، إليوت بهذا يستبعد أساتذة هؤلاء العباقرة، إنهم المصريون الذين علّموا الإغريق كل شىء وكانوا حقاً أطول قامة من هؤلاء العمالقة، يقول التاريخ إنه قبل ظهور مكتبتى إسكندرية وأثينا، استطاعت مصر وحضارتها أن تصل بكل قنوات الفكر الإنسانى إلى أقصى درجات التطور، وأن تصل بالعلوم والفنون إلى قمة التخصص والازدهار التى نضجت واكتملت فيها فنون الشعر والنثر وغيرها من الفروع، وعندما جاء الإغريق إلى مصر بعد عام ٣٣٢ قبل الميلاد اغتصبوا - مثل كل غاز مستعمر - ليس فقط الأرض ولكن أيضاً كل ثروات وإنجازات عقل المهزوم، وأجبروا المصريين على أن يفقدوا ذاكرتهم كمعلمين وأساتذة؛ لأن الأستاذية والتعليم سمات سيادية تخصان المنتصر فقط. هكذا بدأ الإغريق جريمة تزيف التاريخ التى استمرت حتى وقتنا هذا، تلك كانت بداية الجريمة التى يقدم إليوت - وبطريقته الخاصة - تعريفاً لها !!!

لم يكن ما اغتصبه الإغريق من المصريين، وبنى عليه الغرب والعالم حضارته التى يفاخر بها الآن، مجرد بدايات بسيطة أو أصول فجأة، فهذا - مثلاً - الكاتب الأمريكى هارولد بلوم، أشهر من كتب وما زال يكتب فى التأثير والتأثر حتى الآن، يستعير مقولات لكاتب مصرى قديم ليكشف غموض العلاقة بين القديم والجديد فى الفن والأدب، الكاتب المصرى هو خاخيبيريسنيب، الذى يجب أن نحفظ اسمه ونباهى به مثلما نباهى

وتشدد بأسماء نقاد الغرب ، يقول خاخيبير يسينب :

« يا ليت عندى عبارات لا يعرفها أحد ، غريبة ، فى لغة جديدة لم يقلها أحد ولم تستهلك ؛ لكنها عبارات قالها الأقدمون ! » .

أليس هذا بالضبط ما قاله إليوت نفسه فى مقاله الشهير « التراث الموهبة » عندما أراد وصف الماضى والحاضر فى العلاقة بين القديم والجديد ؟ ! بل إننى يمكن أن أضيف فى اطمئنان أن عبارة خاخيبير يسينب أجمل وأدق من مقالة إليوت كلها ! .

على أن هذه العبارة التى قالها الكاتب المصرى القديم منذ أكثر من ألفى عام قبل الميلاد تؤكد على حقيقة هامة ، ففيها يتحدث خاخيبير يسينب عن « الأقدمين » مما يعنى أنه جاء بعد سنين طويلة سبقته من الإبداع ، والمعروف علميا الآن أن قضية التأثير والتأثر فى الأدب الإنجليزى لم تأخذ كل هذا الاهتمام النقدى إلا فى النصف الثانى من القرن الماضى وبعد تراكم إبداعى عبر مئات السنين ، تزايد خاصة بعد عصر النهضة ، وصاحب هذا التراكم تزايد ما يسميه النقاد الآن « القلق » أو « هم » التأثير والتأثر عند المبدع الجديد . وعبارة الكاتب المصرى القديم تعنى أن الإبداع المصرى كان قد تراكم على مدى آلاف السنين قبل الميلاد وبعد استقرار الحضارة المصرية . ويذكر علم المكتبات مكتبة رمسيس العظيم ، وكيف أن إحدى غرف هذه المكتبة الضخمة احتوت وحدها على بضعة وعشرين ألف كتاب ، ومن الحقائق المثيرة ذات الدلالة أن أرسطو اشتهر فى زمانه كأكبر « وراق » أو « حافظ » للكتب . . . والسؤال الآن هو : من هم مؤلفو هذه الكتب التى اشتهر أرسطو بجمعها ؟ المؤكد أن تلك الكتب كانت معظمها نتاج العقل المصرى ، وحصاد حضارة وإمبراطورية مصرية

شهدت قمما متعددة عبر أكثر من خمسة آلاف سنة ق. م ، واعتلت عرش العالم لمدة أربعمائة عام متواصلة انتهت بغزو الإغريق مصر بعد عام ٣٣٢ قبل الميلاد واستيلائهم على الأرض ونتاج العقل المصرى ، ونسبته إلى أنفسهم ، من هنا بدأت جريمة التزييف وإخراج مصر والمصريين من التاريخ .

الغريب أن كل القوى الاستعمارية التى جاءت بعد الإغريق إلى مصر سارت على نفس منهج «القوة تكتب التاريخ» ، مما أدى فى النهاية إلى خروج العقل المصرى من التاريخ ، ولم تعد مصر وحضارتها فى العقل الغربى سوى مومياءات وماض خرافى ، بينما أخذ الغرب لنفسه كل نتاج العقل المصرى وأعاد إنتاجه من دون الاعتراف بالمصدر .

ويمكن القول إن أمريكا التى تقود العالم الآن تواجه نفس الامتحان أو إغراء القوة التى تكتب التاريخ ، وهو إغراء لم تستطع مقاومته كل القوى التى قبلها ، لكن أمريكا - ورغم كل شىء - ما زالت تستطيع أن تفعل ما لم تفعله أية قوة قبلها وتتغلب على هذا الإغراء ، ولقد نجحت فى ذلك داخلياً من خلال الحلم الأمريكى ، الذى يشترك فيه ويعيشه ويكتبه الأمريكيين دون النظر لاختلاف فى دين أو عقيدة أو جنس أو لون أو ثقافة ، والمطلوب الآن «حلم العالم» الذى يرسم ملامحه ويعيشه ويكتبه كل شعوب العالم ، ولكى يكون هذا الحلم عادلاً يجب أن يعترف بفضل وإنجازات العقل المصرى . هل نحن مستعدون لهذا الحلم ؟ وهل تقبل أمريكا أن يشاركها الآخرون هذا الحلم ؟

منذ آلاف السنين ضيع المصريون والعالم «حلم العالم» الفريد هذا ، عندما جاء إخناتون وكانت مصر - مثل أمريكا الآن - تقود العالم ، لم يرد

إخناثون بناء هرم لنفسه ، لكنه أراد أن يجعل من كل مصرى «هرما» !
أراد أن يحرر المصريين وبنى الإنسان من أنفسهم ، ومنطقه بسيط : لو آمن
الناس بالله الواحد القادر وخافوه ، لما استعبد أو خاف بعضهم البعض .
والرسالة سهلة ولا تحتاج إلى عناء فى فهمها ! ولكن العالم والمصريين -
للأسف - ضيعوا «حلم العالم» الأول .

وإذا أراد المصريون العودة إلى التاريخ مساهمين ورواداً فى حلم العالم
المطلوب الآن ، فعليهم أن يستعيدوا ذاكرتهم كمعلمين وأساتذة ، فلن
يساهم فى حضارة اليوم إلا أحرار فى دول ديمقراطية ، ولقد عانى
المصريون كثيراً وحاربوا ونجحوا فى أن يستعيدوا أرضهم من عدو
اختلفت صورته فى كل عصر ، ولكن أمامهم الآن تحد أخطر وأصعب
وهو اكتشاف هزيمة العدو «بينهم» ، لا بد أن يحرروا أنفسهم من
أنفسهم !!! وهذا هو شرط العودة إلى التاريخ .

وجدى زيد

obeikandi.com

هذه أغنيتي لبلدي
وصلاتي لربي

obeikandi.com

الشخصيات

إخناتون	: فرعون مصر
نفرتي	: زوجة إخناتون
ميرى	: ابنته
تاى	: الملكة، أم إخناتون
زيمات	: أخت نفرتي، وزوجة حور محب
حور محب	: زوج زيمات، قائد القوات العسكرية المصرية
رييتا	: كاهن آمون الأعظم
الكاهن الأول	
الكاهن الثانى	
الكاهن الثالث	
ماهو	: رئيس البوليس
توتو	: رئيس المخابرات
ميرورا	: رجل من عامة الشعب
بيك	: كبير الفنانين، ورسام القصر
الساحرات تارا	
الرجل العجوز	

الشاب
رسول من الشام
كاهن المعبد
الصبي
مجموعة من الفلاحين والنسوة والأطفال
مجموعة من الحراس والجنود

الفصل الأول

المشهد الأول

(أحد شوارع مدينة تل العمارنة - «مدينة النور» تأتي أصوات الموسيقى من على بعد، رجال ونساء وأطفال يتطلعون في اتجاه الموسيقى وأضواء الاحتفالات خارج المسرح التي يبدو الأطفال مشدودين لها بشدة، ويبدأ البعض منهم في التحرك تجاه أضواء الاحتفالات لكن الآباء يمنعونهم. يبدو على وجوه الآباء وحركاتهم القلق والخوف رغم مظاهر الاحتفال. أسفل يسار ويمين المسرح، الكاهنان الأول والثاني وثلاثة من الحراس متخفين جميعاً في عباءاتهم، يراقبون الناس في نفاذ صبر، الكاهنان حليقاً الرأس ويتعلنان أحذية من ورق البردى وينظران إلى الناس في غضب واضح بينما يقف الحراس الثلاثة في تأهب!).

يدخل صبيان يلعبان التخطيب والمصارعة وغيرهما من الألعاب ثم يتحركان إلى أعلى المسرح في اتجاه الاحتفال يتبعهم الأطفال محاولين الفكاك من أيدي آبائهم لكن آباءهم يرفضون ذلك ناظرين في خوف إلى الحراس...!).

- الأب : (ممسكا بيد ابنه بقوة) لا ، قلت لا .
- الطفل : (فى توسل ، محاولا التخلص من يد أبيه) عاوز أروح معاهم .
- الأب : قلت لا إنت مبتفهمش؟!
- الطفل : عشان خاطرى ، عاوز أشوف الفرعون الجديد .
- الأب : برضه لا .
- الأم : (إلى الأب) سيب الواد يروح زى العيال؟
- الأب : (إلى امرأته ناظرا فى خوف وشك إلى الحراس والكهنة) بس يا ولية ! إنت دارية بحاجة؟!
- الأم : خليه يشوف الحفلة
- الأب : لاحفلة ولا يحزنون ، خيلنا بعيد .
- الطفل : (لنفسه ناظرا حواليه) شكلها طين من أولها!
- الأب : (صارخا فى تدمر) سيبنى سيبنى!
- الرجل العجوز : (متدخل) مش كده ، متعملش كده مع ابنك .
- الأب : (إلى الرجل العجوز) خليك فى حالك لو سمحت .
- الرجل العجوز : الأطفال أطفال يا ابنى ويجب
- الأب : (مقاطعا فى دهشة) يا سيدى ده ابنى وماطلبتش من حد يعلمنى أعامله إزاي!
- الرجل العجوز : (مبتسما فى هدوء) أنا مقلتش إنك مش عارف تعامله يا بنى .

(يقترب من الطفل غير واع بوجود الكهنة أو
الحراس)

(فى رقة وهو ينحنى له)

عاوز تشوف الفرعون الجديد؟

هتشوفه ، أنا كمان عاوز أشوف إختاتون ، لكن لا بد

أن ننتظر ثلاث تيام تعرف تعد ثلاثة؟

(يمسك بإصبع الطفل يعد عليها) بكره أول يوم . . .

واحد . . .

: (فى سعادة) اثنين . . . ثلاثة . . .

: اليوم الثالث هو يوم الاحتفال الكبير وفيه يلبس مولانا

إختاتون التاج .

(الكاهن الأول يتبادل النظرات مع الحارس الأول

الذى يتحرك ناحية العجوز ويقف خلفه دون أن يعي

العجوز ذلك) .

: فى اليوم الثالث فيه حلويات وحاجات حلوة كتيرة ،

فى اليوم ده هتشوف إنت وأصحابك إختاتون . . .

هتشوفه فرعون جديد غير كل اللى سبقوه ،

هتشوف . . .

الحارس الأول : (فى عنف إلى العجوز) إنت بتتكلم كتير !

: (مندعشا وخائفا) أنا بس . . .

الحارس الأول : كفاية . مش عاوز أسمع . روح بيتك !

(يدفعه بعنف) روح !

الطفل

العجوز

العجوز

الحارس الأول

العجوز

الحارس الأول

(يخرج العجوز، ويعود الحارس إلى حيث كان ناظرا
إلى الآخرين في تهديد)

الأب : (إلى امرأته وطفله) جالكم كلامي؟ أنا عارف

الحارس الأول : (إلى الأب في حدة) بتقول إيه؟

الأب : (ناظراً إلى السماء) مفيش . . . أنا بس كنت بقول
إن شكلها كده هتمطر .

(إلى امرأته وطفله) يلله يا ولية، يلله يا واد، ده حتى
القعدة فى البيت حلوة!

(يخرج الثلاثة)

(صمت)

(ما زال الحارس ينظر إلى الجمهور الذى تزايد فيه
الخوف والقلق)

رجل : (ناظرا إلى السماء محاولا إخفاء خوفه) فعلا هتمطر
جامد هترخ، وكمان البرد هيلسوع!

(وقفة)

الكاهن الثانى : (إلى الآخرين كمن يحاول إقناعهم) البيت بأه

دفا . . . ومريح . . . مريح جدا مش كده؟ !

(يتبادل الناس النظرات قبل أن يخرجوا، كل فى اتجاه بيته)

الكاهن الثانى : (إلى الكاهن الأول) نفايات، جنبنا!
الكاهن الأول : منافقين جهلة!

(صمت)

(تدخل مجموعة من العامة يقودهم شاب يحمل صور الفرعون الجديد، لكن الحارس الثانى يقف فى طريقهم)

الحارس الثانى : على فين؟

(إلى الشاب) رايح على فين إنت وهو؟

الشاب : فيه إيه؟

الحارس الثانى : (وهو يضربه بالعصا على كتفه) أنا اللي بسأل مش إنت. (يضربه مرة أخرى) واخذ التنايلة دول ورايح على فين؟

الشاب : (يحاول أن يرد الضربة، لكن الحارس الأول يعاجله بضربة من الخلف) بتضربنى ليه؟ فيه إيه بتعاملونا كده ليه؟ هو إحنا عبيد؟

الحارس الأول : (يضربه ثانية) بطل كلام فارغ!

الحارس الثانى : (منتزعا الصور من الشاب) إيه ده؟

(ينظر إلى الصور ويعطيها إلى الكاهن الأول الذى ينظر إليها هو الآخر قبل أن يناولها إلى الكاهن الثانى)

الشاب : (فى ثبات رغم ارتباكك) صور مولانا الفرعون الجديد
واحنا رايعين الاحتفالات قدام المعبد .

فيه مشكلة؟

(يتبادل الحراس والكهنة نظرات سريعة ذات معنى)

الكاهن الثانى : (يخطو ناحية الشاب فى هدوء) يبدو إنك ابن ناس
مين والدك؟

الشاب : ناخت خامو .

الكاهن الثانى : (يكتب الاسم محاولا أن يتذكر) ناخت خامو . . .
من دوقما؟

الشاب : أيوه .

الكاهن الثانى : إنتم عيلة كبيرة . (وقفه) (مفكرا) دوقما فى وسط
الدلتا، بعيدة عن هنا، إيه اللى يخليك تيجى من
هناك لهننا وتسافر المسافة دى كلها عشان تشترك فى
أمور مشبوهة؟

الشاب : أمور مشبوهة ! أنا هنا مع أصحابى جاين نحضر
حفل تتويج الفرعون الجديد إخناتون، والصور دى
صوره!

الكاهن الثانى : (مقاطعا فى حدة) لا . مش صور الفرعون . الفرعون
ميلبسش زى الناس العادين!

وقفة

مين إذاك الصور دي؟

الشاب : معرفش .

الكاهن الثانى : (إلى الحارس) خده!

(الحارس يقتاد الشاب من ياقته فى عنف)

الشاب : (صارخا وهو يختفى) ماتعملش كده معايا، اعرف

إنت بتعامل مين! أنا معلم أربى أجيال!

الكاهن الثانى : (كأنه لم يسمع كلمات الشاب - يتحول إلى الآخرين

مهددا) وإنتم؟

(الجميع لا ينطقون خوفاً)

(وقفة)

(صارخاً فى لهجة امرأة)

يلله . . . يلله إنت وهو! على بيوتكم، . . . يلله!

(يختفى الجميع) (وقفة)

(إلى الحارس الثانى) خد الشارع ده لغاية المعبد .

(إلى الحارس الثالث) وإنت الشارع الثانى .

مش عاوز حد من المتافقين دول فى الشوارع، صور

الكافر شيلوها، متخلوش حد يمشى بيها فى

الشوارع .

(يخرج الحارسان)
(يخفى صوت الموسيقى) (صمت)

(يسود الظلام المسرح كله باستثناء بقعة شاحبة تسمح
برؤية الكاهنين)

الكاهن الثانى : (يتجه إلى أعلى المسرح مفكرا، ويعود إلى الكاهن
الأول) عليك أن تراقب الحراس وتنفيذهم للأوامر،
لا تثق فى أحد!

الكاهن الأول : وإنّ؟

الكاهن الثانى : سيدنا الكاهن الأعظم يصل إلى هنا قبل نص الليل،
معاي رسالة منه إلى الراجل بتاعنا فى القصر. زى ما
قلت لك، خد بالك ولا تثق فى أحد، ما تنساش
هنتقابل كلنا ورا المعبد بعد نص الليل!

إظلام

المشهد الثانى

منتصف الليل خلف المعبد، رعد وبرق .
(يدخل الكاهن الثانى وفى يده الصور ، يتبعه الكاهن
الأول . ما زال الكاهنان يتخفیان فى عباءتيهما)

الكاهن الثانى : (ناظراً حواليه) المكان آمن !
الكاهن الأول : أيوه .
الكاهن الثانى : (ناظراً إلى السماء) النجم الجنوبى ظهر . فيضان
السنة دى هيغرق الدنيا !
الكاهن الأول : الظاهر كده !
الكاهن الثانى : بدأت الميه تغطى الشط ، حظنا حلو ، كل رجالتنا
وصلوا هنا قبل ما تسوء الحالة .

(يخلع عباءته) (وقفه)

الكاهن الأول : (يخلع عباءته) سيدنا الكاهن الأعظم يعرف يوصل هنا؟

هيجي مع النائب سوكا. وسوكا يعرف.

(يتوقف مصغيا السمع)

هس فيه حد جاى

(يدخل الكاهن الأعظم ويتبعه سوكا الكاهن الثالث يتخفى كل منهما فى عباءته)

الكاهن الثانى : (وهو يجرى ملاقيا الكاهن الأعظم) سيدى سيدنا المعظم (يركع ويقبل يديه) شكرا للآلهة على وصولكم سالماً وبخير.

الكاهن الأول : (راكعا يقبل يديه) سيدنا المعظم !

الكاهن الأعظم : لقد كان طريقا طويلا شاقا.

(يخلع عباءته ويتبعه فى ذلك دون تفكير نائبه سوكا)
(يبدو الكاهن الأعظم مرهقا ومجهدا ومهموما،
تخطى الخمسين، حلق الرأس، يرتدى تنورة طويلة
فضفاضة، ووشاحا أسود يلتف حول كتفيه وصدره،
ورغم سنه المتقدم، تبدو عليه ملامح القوة والنشاط،
وتوحى سمات بنيانه القوى بالثقة والقدرة والدهاء
الدفين)

الكاهن الثانى : كيف حال طيبة يا سيدى؟

الكاهن الأعظم : لقد حطموا معبداً آخر من معابدنا عندما جاء الكافر لحضور جنازة أبيه الملك .

الكاهن الثالث : فى مرارة لم يستطع أن يصبر سبعين يوماً نحضر فيها جسد والده لرحلة الخلود!

الكاهن الثانى : (فى غضب) والناس يا سيدى ؟!

الكاهن الأعظم : الناس منقسمة على نفسها بين ولائها للآلهة وللعائلة المالكة .

(وقفه)

لكننا سنتنصر بفضل آلهتنا . أين توتو؟

الكاهن الثانى : قال إنه سيأتى متأخراً بضع دقائق .

الكاهن الثالث : (فى احتراس) سيدى . . . يجب أن نعتمد على أنفسنا

فقط ، هل تثق فى توتو يا سيدى ؟

الكاهن الأعظم : نعم أثق فيه ، لا بد أن تثق فى هؤلاء الذين يفعلون كل

شئ وأى شئ من أجل طموحهم ، جاءنى توتو منذ

سنوات يبلغنى عن أخيه ويشى به ، لهذا زرعت فى

القصر الملكى .

الكاهن الأول : (مندهشاً) خان أخوه ابن أمه وأبوه ؟!

الكاهن الثالث : إذن يخون أى إنسان !

الكاهن الأعظم : فقط إذا لم تعطه ما يريد ، ولقد أعطينا الكثير وما زال

لدينا الكثير الذى يطمع فيه ، أثق فيه لأننى أعرف

ثمته! (يدخل توتو ، له وجه ممتلى وعينان جاحظتان ،
تشى بطموح قاس)
(إلى توتو) هذا هو صديقنا العظيم ! مرحبا بك يا
توتو .

توتو : (يركع ويقبل يديه) سيدنا الكاهن الأعظم .
الكاهن الأعظم : (متفرسا فى وجهه) هل عندك أخبار يا توتو .
توتو : أخبار سيئة يا سيدى .
الكاهن الأعظم : وهى ؟
توتو : لقد اعتمد الأمير قرارات يعلنها بنفسه يوم التتويج .
الكاهن الأعظم : أية قرارات ؟
توتو : بعد يوم التتويج مباشرة ، لن تكون هناك عبادة فى
المعابد لآمون والآلهة الأخرى ولن يكون لكهنتهم
مناصب ، ويتم التخلص من كل الصور ورموز هذه
العبادات من كل المعابد!

(تأخذ الصدمة بالجميع)

الكاهن الأعظم : (فى هدوء رغم التوتر) قلت إنه اعتمد هذه القرارات ؟
توتو : نعم اعتمدها وسيعلم أن إلهاً جديدا قد أوحى إليه أنه
الإله الواحد الحقيقى ، وأن كل الآلهة الأخرى زائفة !
الكاهن الأول : آلهتنا زائفة !

(صمت)

الكاهن الثالث : لا بد أن نفعل شيئاً يا سيدى وقبل أن يتوج، سيهدم معابدنا بعد تتويجه ثم يتخلص منا نحن كهنة آمون والآلهة الأخرى !

الكاهن الثانى : وسيأخذ أراضينا !

الكاهن الأول : ونسواناً وبيوتنا !

الكاهن الثالث : (يخطو ناحية الكاهن الأعظم) ماذا ننتظر يا سيدى؟ إذلال أكثر؟

(وقفة)

الكاهن الأعظم : (متحاشياً نظراتهم الملحة، يذرع المكان جيئة وذهاباً، ثم يلتفت إليهم - فى هدوء) لا تجزعوا يا أصدقاء .

(متجهاً ناحية الكاهن الثالث) تعجبني شجاعتك يا سوكا، ولكن إذا كنت ستقود كهنة مصر يوماً ما، فعليك أن تكون صاحب رؤية واضحة تماماً تساعدك على اكتشاف حكمة الآلهة .

الكاهن الثالث : لكن يجب ألا نضيع الوقت يا سيدى .

الكاهن الأعظم : (فى حدة) لا . نحن لا نضيع الوقت .

(وقفة)

لقد توقعت كل ذلك . الأمير شاب أحقق ، وتوقعت
أنه سيدفع الأمور هكذا ، لكن ذلك سيكون في
صالحنا .

الكاهن الثالث : كيف؟

الكاهن الأعظم : إن آلهتنا مستقرة في قلوب وعقول الناس منذ آلاف
السنين ، وهذا الحالم المتسرع لا يستطيع أن يغير ذلك .
(ينظر حوله ويلمح سلماً خشبياً عند الحائط فيتجه
نحوه)

مصر في أيدينا (يمسك بالسلم مشيراً إليه) نحن على
القمة وفي كل مكان هنا أما الأمير فلم يكن متواجداً
في كل مكان مثلنا (مشيراً إلى رأس السلم) مكث
والده هنا سبعة وثلاثين عاماً ، ولم يثق به أبداً ؛ لأنه
يعرفه ، وحتى عندما مرض في العامين الأخيرين من
حكمه أجبر هذا المارق على الخروج من طيبة بدلاً من
أن يسمح له بالاستمرار والمشاركة في الحكم .
(يبتعد عن الحائط) وجاء المارق هنا إلى الصحراء
ليبنى مدينته ، لكننا لا نسمح له أن ينهى ما بدأه .
أعدكم أيها الأصدقاء أن ما بناه سيصير خراباً عاجلاً .

(وقفة)

(إلى توتو) توتو

توتو : سأكون أول من يضرب
الكاهن الأعظم : (مقاطعا) لا لم نصل إلى هذا بعد .

(وقفه)

كنا مستعدين لمواجهة في طيبة ، لكن الأحمق جعل
مهمتنا أسهل ، سنهزمه هنا .

(وقفه)

لدينا الكثير نفعله قبل التتويج . (إلى توتو) كل همسة
في القصر يجب أن تحيطنا بها ، ولا تغفل عن
حور محب وغريمك ميرورا !

توتو : سأفعل ذلك يا سيدي .
الكاهن الأعظم : (إلى الكهنة) هناك الكثير من العمل السرى في
الشوارع بين الناس !
الكاهن الثانى : (يعطيه الصور) وجدنا هذه الصور مع شاب منذ
ساعات قليلة .

توتو : (ناظرا مع الكاهن الأعظم إلى الصور)
نفس الملابس المضحكة التى يرتديها ، إنه يذهب إلى
القرى على الشط الآخر للنيل متخفيا فى هذه
الملابس !
الكاهن الأعظم : لماذا؟ !

توتو : لا أعرف .

(وقفة)

الكاهن الأعظم : (مفكرا - فى اهتمام واضح) هل يتعرف عليه الناس

توتو : لا .

الكاهن الأعظم : (فى رضا) هذا حسن !

(وقفة)

(إلى الكاهن الثانى) ماذا فعلت مع الشاب؟

الكاهن الثانى : أخذناه إلى أحد كهوفنا فى الجبل .

الكاهن الأعظم : لا تطلق سراحه حتى ننتهى ، هل وصل كل رجالنا من
طيبة ؟

الكاهن الثانى : نعم يا سيدى ومستعدون فى الجبل .

الكاهن الأعظم : حسنا لآلهتنا الكلمة الأخيرة .

(وقفة)

(متجها إلى نصف المسرح)

هذه لحظة خطيرة فى تاريخ مصر ، إننا لم نسع إلى

هذا الصراع .

(يتحركون ويلتفون حوله تحت بقعة ضوء واحدة)
لم نصل إلى النهاية بعد .

(وقفة)

علينا أولاً أن نهزمه فى شوارع هذه المدينة وبين الناس !
الكاهن الثانى : الناس لا يمكنها فعل شىء !
الكاهن الأول : الناس لا حول لهم ولا قوة !
الكاهن الثالث : الناس ليس لها علاقة بما يحدث !
الكاهن الأعظم : غير صحيح الناس ليس لها حول ولا قوة ، ولا
يمكنهم فعل شىء لكننا يجب أن نبقيهم بعيدين عما
يحدث !
هذا هو العامل الحاسم : أن نجعلهم لا يفعلوا شيئاً !
الكاهن الثانى : كيف ؟
الكاهن الأعظم : كما فعلنا معهم فى طيبة وكل مكان فى مصر ، أريد
شائعات هنا ، فى كل مكان بالمدينة . فى الأيام القادمة
الثلاثة ، ازرعوا شائعات تمتد جذورها ثم تؤتى ثمارها
سريعاً وقبل الحصاد عندما نواجهه فى يوم التتويج !

(وقفة)

أريد الناس عاجزين عن فعل أى شىء ، بعدها يمكننا
فعل كل شىء . وأى شىء !
سنجعله يدفع ثمن كل ما فعله معنا !
إظلام

المشهد الثالث

فناء معبد بقرية على الجانب الآخر من النيل المواجه
لتل العمارنة، الفلاحون ملتفون حول صبي يرتعد
خوفا ويحمل كيسا من الحبوب، بينما الكاهن
يجوب المكان جيئة وذهابا، رامقا الصبي فى نظرات
غاضبة بين الحين والآخر .

بين الفلاحين يقف إخناتون واثنان من الحراس
يراقبون ما يحدث يتخفى إخناتون والحارسان فى
ملابس عادية لا تنم عن كنيتهما .

: (يتجه إلى أعلى المسرح ثم يواجه الجمهور - فى لهجة
مسرحية) يا إخواننا كيس الحبوب ليس مشكلة ولكنها
مجرد بداية!

الكاهن

(صارخا) إنها البداية ، والآلهة وحدها تعرف ما الذى
يمكن أن يحدث بعد ذلك !
(يتجه ناحية الصبى ويقف أمامه مباشرة ناظرا فى
عينيه بحدة ، بعدها يعود مخاطبا الفلاحين
والجمهور)

هل تنتظر يا جماعة أخير ؟
هل تنتظر حتى نرى هذا الصبى يسرق شيئا أكبر ؟
هل تنتظر حتى نراه يسرق ويعلم غيره السرقة ؟
هل تنتظر يا جماعة أخير ؟ !

(صمت)

كلا وحق آلهتنا ! كلا ثم كلا ثم كلا !
أكاد أسمعكم جميعا وأنتم تقولون مثلى كلا !

(صمت)

لكننى أريد أن تعرفوا أن الشيطان داخله هو
الذى دفعه لأن يسرق ، نعم إنه الشيطان داخله !
ولهذا (نظر إلى أحد أتباعه نظرة ذات معنى)
ولهذا سوف نعاقب الشيطان داخله !
(يتجه التابع ومعه سوط نحو الصبى ، فيخلع عنه
قميصه ويقوده إلى وسط المسرح للجلد)

إخنا تون : (يخطو إلى الأمام مواجهها الكاهن) إنت سألت الولد سرق ليه؟

الكاهن : (يتحول إلى إخنا تون- فى عنف)، عفوا، لم أسمعك؟!

إخنا تون : إنت سألت الولد ليه عمل اللي عمله؟

الكاهن : (صمت، الجميع يتابع ما يحدث فى خوف وترقب)
(فى تحد وعنف إلى إخنا تون) من أنت؟ لم أرك هنا من قبل!

إخنا تون : (فى هدوء) أنا بسألك إنت سألت الولد ليه سرق شوية القمح دول؟

الكاهن : وأنا أسألك من أنت؟

إخنا تون : إخنا تون .

الكاهن : (مرتبكا) من ؟!

إخنا تون : أنا إخنا تون ملك مصر

(تبدو على وجوه الكاهن والقرويين الصدمة)

(يتحرك إخنا تون إلى الصبى وإلى الكاهن وهو يفك

وثاقه) ما سألتوش ليه سرق ؟

الصبى : (باكيا) معندناش حاجة ناكلها .

إخنا تون : (فى حنان) فين أبوك؟

الصبى : مات !

(وقفه)

إخاناتون

: (إلى الكاهن) تقول إنت إيه دلوقتى ؟ تقول إيه ولا

تعمل إيه إنت والأصنام الحارسة اللي بتعبدها؟

(إلى الحارسين) ادخلوا جوه المعبد وحطموا كل

الأصنام! خليتنا نشوف الآلهة بتاعتهم هتعمل إيه!

(يختفى الحارسان فى سرعة داخل المعبد)

(تسمع أصوات تحطيم الأصنام بالداخل ، بينما يقف

الكاهن مصدوما عاجزا ، والناس بعضهم فى رعب لا

ينطقون وآخرون يتسللون فى خوف إلى بيوتهم)

إظلام

المشهد الرابع

(حجرة فى قصر إخناتون، الوقت صباحا، كبير
المهندسين والنحاتين بيك يتأمل فى إعجاب بعض
الصور على ورق البردى ويبدو غير واع بوجود توتو
... . تأتى أصوات الموسيقى من على
البعد... .)

: (إلى نفسه بصوت عال بينما ينظر إلى إحدى الصور)
الجميل والصادق، الصادق والجميل!
العلاقة بين الاثنين عميقة ومثيرة!
(يتجه ناحية توتو ويقف أمامه مباشرة ويبدو كأنه لا
يزال لا يعى بوجوده) الصادق والجميل!
: (يحاول أن يكون رقيقا) هل تكلمنى يا بيك؟

بيك

توتو

بيك : (بصوت عال ، لنفسه ما زال) الصدق والجمال كل

صادق جميل ! معلمى ومليكى إختاتون . . .

توتو : (مقاطعا) إنه فى حديقة القصر .

بيك : (غير مبال بما قاله توتو) مليكى ومعلمى إختاتون يقول

إن كل ما هو صادق جميل ! (ناظرا مرة أخرى إلى

الصورة) وهذه الصورة صادقة فعلا ، عشان كده لا بد

أن تكون جميلة ، وهى فعلا جميلة !

(إلى توتو) إيه رأيك يا توتو فى الصورة دى .

توتو : (فى فتور) ظريفة !

بيك : مش ده الموضوع ، الصورة دى جميلة لأنها صادقة ،

دى صورة مليكنا إختاتون زى ما هو فى الحقيقة ، وده

جديد فى الفن ، مفيش ذواقة ولا تجميل ، مفيش غير

الحقيقة ، زى ما هو فى الواقع ، عشان كده الصورة

جميلة !

(وقفة)

إزاي تحب صورتك يا توتو؟ عاوزه زى ما إنته فى

الحقيقة ، والا زى ما تحب الناس تشوفك ؟ !

(وقفة)

الصدق جميل ! كل صادق جميل
(مفكرا) لكن السؤال دلوقت . . . هل كل جميل
صادق؟

(يدخل حور محب، تنم ملامح جسده القوى
ووسامته الظاهرة عن شخصية جديرة بالثقة، لكنه
يبدو مهموما وغير سعيد) أهلا برجل السيف، قائد
الجيوش المصرية، نحن نتكلم يا سيدى عن العلاقة
بين الجمال والصدق، والسؤال . . .

حور محب : (مقاطا فى ضيق) إحناف إيه وإننت ف إيه يا بيك !
(إلى توتو) أين الملك يا توتو؟

توتو : يتناول إفطاره مع العائلة فى حديقة القصر الخلفية .

حور محب : أريد التحدث إليه، الموضوع عاجل !
(أصوات تأتى من خارج المسرح، يدخل إخناتون
ونفرتيتى وابتتهما الصغرى ميرى)

(يبدو إخناتون نحىلا وضعيفا، ملابسه بسيطة عادية
مثل التى رأيناه بها فى الصورة. يدعو ظاهره إلى
الشفقة والإعجاب معاً، وتنم قسماات وجهه ونظرات
عينيه القلقة عن حزن عميق وهموم من يبحث عن
الحقيقة، رغم هذا له حضور أسر يدركه المرء مع مرور
الوقت)

(تردى نفرتيتى فستانا أبيض فضفاضا يظهر جمالها
وأناقته، غير أن وجهها وحركتها تكشف عن حياة
جافة غير مكتملة وغير متحققة بشكل جوهري)

ميرى : (تجربى وراء أبيها فى سعادة - فى توسل) مرة كمان ،
مرة كمان !

إخنا تون : (مبتسما) مش وقته !

ميرى : عشان خاطرى مرة كمان .

إخنا تون : مرة واحدة ! (يحملها فوق كتفيه لعدة ثوان ثم يعيدها

إلى الأرض وهى تصرخ فى سعادة غامرة)

(إلى الآخرين بعد مغادرة ميرى) صباح الخير

(يلحظ توتو وهو يبالغ فى انحناءاته لتحيتته على

عكس بيك و حور محب اللذين كانت انحناءاتهما

خفيفة غير مبالغ فيها - إلى توتو)

أنا قلت إحنا بنسجد لله وحده بس !

توتو : (ناهضا فى خجل) عفوا أيها الملك نسيت !

وأعتذر أرجو أن تسامحنى . . .

إخنا تون : (مقاطعا ، إلى حور محب مبتسما) صاحى بدرى

النهاردة !

(متفرسا فى وجهه) فيه حاجة شاغلأك ؟

(وقفه)

فيه أخبار عندك عن أزورو !

حور محب : أنا هنا لنفس السبب يا مولاي

(إلى بيك) طيب نشوف اللي عند بيك الأول .

إخنا تون

- بيك : كل شيء تقريباً جاهز لحفل التتويج يا مولاي .
- إخاناتون : تقريباً؟! :
- بيك : مدخل المدينة يا مولاي يحتاج إلى بعض الوقت .
- إخاناتون : ليه؟ :
- بيك : لم يصل بعد الجرانيت الأحمر من أعالي النيل .
- إخاناتون : جرانيت أحمر! ليه التبذير؟!
- بيك : تبذير! المناسبة عظيمة يا مولاي !
- إخاناتون : ولو ، مطلوب البساطة والاعتدال ، اشتغل بالموجود ،
- إيه تانى؟ :
- بيك : (يريه الصورة) أنتجنا كمّاً كبيراً من صورتك يا مولاي .
- إخاناتون : (ينظر إلى الصورة) معقولة ، كده الناس تبقى مستعدة!
- (وقفة - إلى نفرتيتي) رأيك إيه فى الصورة يا مليكتنا العزيزة؟ معقولة؟
- نفرتيتي : (فى قليل من الحماس) طبعاً يا مولاي .
- بيك : هناك صورة أخرى لمولاي ومولاتي ، وصور لمولاي والعائلة ، وصور لمولاي و... .
- إخاناتون : (مقاطعا يربت على كتفه مبتسماً) كفاية صور عني وعن عيلى ، عاوزك إنت وكل الفنانين تروحو للناس على النيل وفى الغيطان .
- وصوروا كل شيء على حقيقته وطبيعته !

بيك

: سنثعل يا مولاي !

(ينحنى ويخرج)

نفرتي

: (في محاولة لكسر حالة التوتر - إلى حور محب) كيف

حال أختي زيمات؟ شفتها مرة واحدة من يوم ما جيتو

من طيبة!

بخير يا سيدتي .

حور محب

(وقفة)

إخنا تون

: (إلى حور محب) وصل رسول من تونيب .

(إلى توتو) اسمحواله بالدخول .

: (ينحنى ، خارجا) أمر مولاي .

توتو

(وقفة)

حور محب

: (يخطو ناحية إخنا تون بعناية) يجب ألا نثق في أزورو

يا مولاي!

إخنا تون

: (مشجعاً) يعنى

حور محب

: يجب أن نرسل في الحال قواتنا إلى سوريا !

(يدخل الرسول ويبدو عليه التعب والإرهاق ،

ملا بسه متربة وفي حالة يرثى لها من وعثاء السفر)

إخناتون الرسول

: نسمع صديقنا من تونيب .
: (ينحنى فى احترام شديد) مولاي فرعون مصر
العظيم ، (يفتح الخطاب) هذا خطاب من حاكم
تونيب إلى مولانا ملك مصر العظيم (يقرأ)
نحن أهل تونيب ، خدام مولاي ساجدين عند
أقدامكم ، ندعو لكم بالصحة والخير ، مولاي لقد
سقطت مدينة ناي والآن مدينتكم تونيب تذرف
دموعها ولا يقدم لها أحد يد المساعدة ، ولقد أرسلنا
الاستغاثات طوال العشرين سنة الماضية إلى مولانا
ملك مصر ، لكننا لم نتلق إجابة !
(منحنيا يعطى إخناتون الخطاب ثم يخطو إلى الخلف)
: (ممسكا بالخطاب - إلى توتو الذى يجرى لأخذه) خليه
يرتاح ، الإجابة النهاردة .
(يخرج توتو والرسول) .

إخناتون

(وقفه)

(إلى حور محب) إيه رأيك ؟
: حور محب : جئت هنا وأنا لا أعلم شيئا عن هذا الرسول ؛ لأننى
قلق بخصوص ما يجرى فى سوريا منذ سنين ، وهذه
الرسالة تعنى مولاي أن اقتراحى بإرسال القوات إلى
سوريا فى الحال هو اقتراح سليم .

(توتو يدخل ثانية)

- إخنا تون : (إلى توتو) الملكة الأم هتوصل دلوقتى ، إنت وماهو
تكونوا فى استقبالها .
نفر تيتى : أنا كمان هكون فى استقبالها .

(تخرج)

- إخنا تون : (يقف مفكرا) المشكلة عمرها عشرين سنة!
حور محب : إذن يجب أن لا نضيع وقتنا أكثر فى الانتظار!
إخنا تون : كتبنا لأزورو؟
حور محب : أنا لا أثق فيه ، ولا يجب أن نضيع الوقت فى الكتابة
إليه وانتظار الإجابة ، إنه وضع ويزرع الوقيعة بين
البلاد بعضها البعض ؛ كى يزيد فى أرض بلده على
حساب الجميع ، يتظاهر بأنه صادق معكم ومع
الحيثيين ، وهو فى الحقيقة محتال كذوب مع كليكما ،
بل إن كذبه وخسته موجهة أساسا (يتردد) إليكم!
إخنا تون : (يبتعد عنه ويتجه إلى منتصف المسرح ، ثم يقف
مفكرا) عاوزنى أبعت قوات دلوقتى؟
حور محب : نعم يا مولاي ، لقد دمر مدينة ناى ، وسندمره ، العين
بالعين والسن بالسن!
إخنا تون : العنف بيخلق عنف مالوش نهاية يا حور محب .

(صمت)

حور محب

: مولاي أزورو مخادع وكل ما يريده هو الوقت وأنتم
(يتوقف) أقصد أننا نعطيه الوقت يا مولاي فيضم إلى
أرضه القبائل الأضعف في سوريا بعد قتالها وهزيمتها
بعدها يتحول إلينا وتلك هي بدايه انهيار (يتردد)
ال... الإمبراطورية المصرية.

إخناثون

: (في هدوء وحسم) الانهيار بدأ هنا يا عزيزي حور
محب!

عاوزنى أبعت قوات بره والبيت من جوه فاسد، أنا
بتكلم عن الأولويات، ويبدو إنك مش شايف العلاقة
بين اللي حاصل على حدودنا والقلب الفاسد،
الانهيار اللي بتكلم عنه بدأ من جوه ! (وقفة) الناس
في طيبة وفي كل مكان بمصر مش سعيده ومش
مرتاحة؛ لأن الظلم والجشع والاستغلال في كل
مكان، الكهنة وأصنامهم وراء كل ده ! أنا معركتي هنا
يا حور محب، وعاوز أبتدى صح، الحمد لله الذي
لا إله إلا هو، الذي هداني إلى الطريق المستقيم.

(يتجه ناحية منتصف المسرح، ثم يعود إليه - في ود
صادق) البداية نصلح القلب... قلب البلد، وفي
نفس الوقت نكتب لأزورو نطلب منه يبني اللي
هدمه.

حور محب

: (مصدوما) لن يستجيب يا مولاي!

إخناثون

: إدى له فرصة.

حور محب : سيظن أننا نخافه .
إخنا تون : لا إحنا مش خايفين ، نعطيه فرصة ونعطى أنفسنا
فرصة نغير فيها كل شئ !

(وقفه)

الناس لا بد تتعلم وتعيش فى حب وسلام مع
بعضيهما ، وده ممكن يكون غريب بالنسبة لهم بعد سنين
طويلة من الاضطهاد والحروب وسفك الدماء ، لكن
مصر النهاردة بتقود العالم ولا بد تكون قدوة ، وفى
النهاية هيعم الحب والسلام يا صديقى !

حور محب : حب وسلام لن يرى العالم الحب والسلام ولو بعد
مائة عام من الآن ! (وقفه) أخشى يا مولاي أن هذه
المثاليات لن تمكنا من السيطرة على الإمبراطورية
ونفشل و.....

إخنا تون : (مقاطعا) لا لا . لن نفشل ، ربى هو الرحمن ، هو
السلام والحب ، يغمر حبه الكون والحياة كلها إنسانها
وحيوانها ، وحتى زهورها الضعيفة (فى لهجة
حاسمة) نبدأ بعد التتويج مباشرة ، وعاوزك تكون
مستعد .

(رغم صمت حور محب ، تنم ملامحه عن عدم
الرضا والرفض)

حور محب : (ينحنى، مغادرا) مولای !
إخاناتون : (قبل أن يختفى حور محب) حور محب!
(يستدير إليه حور محب) طبعاً مش ممكن أجبرك
تؤمن بالله الواحد الذى لا إله إلا هو، لكن أنا أعرف
حبك لمصر، وهايجى يوم لا بد تختار!

إسلام

المشهد الخامس

غرفة فى قصر إخناتون يدخل توتو وماهو ، رئيس
الحرس . تأتى أصوات الموسيقى والتراتيل من جناح
داخل القصر)

ماهو : بالعافية وصلنا للشاطئ، والملكة الأم وصلت بخير، حظنا
حلو، بس الفيضان هيعرق الدنيا!

توتو : ياريت!

ماهو : (مندهشاً) ليه؟!

توتو : دواعى الأمن!

ماهو : مش فاهم!

توتو : أهو ده أحسن حاجة بحبها فيك، الصدق، ناس كتيرة
مبتفهمش بس بيدعوا إنهم بيّفهموا، إنت مبتفهمش لكن

مبتدعش إنك بتفهم . بتقول الحقيقة ، إنك مابتفهمش !
يا سلام على الصدق والأمانة !

ماهو : (فى رضا وخجل) شكرا شكرا .

توتو : (يقترب منه - كأنه سيفشى سرا) أقول لك يعنى إيه دواعى

أمن ، لما النيل يبقى هايج والفيضان يغرق الدنيا ، الناس فى
القرى على الشط الثانى مش هتقدر تحضر حفل التتويج ، ودى
معناها ناس أقل يحضروا ، طبعاً أنا أحب كل المصريين يشوفوا
تتويج أميرهم ، لكن أنا باتكلم هنا كرجل أمن ، إحنا نقدر
نتحكم فى الموقف تماماً لو كان عدد اللي هيحضر أقل على قد
ما نقدر ، إنت عارف البلد بتغلى !

ماهو : فهمت كلامك كله ، صح يا سيدى !

(وقفه) (تعلو أصوات الموسيقى والتراتيل)

توتو : (متطلعا إلى حيث تأتى التراتيل) حلوة جميلة ! بتحبها؟ !

ماهو : أيوه .

توتو : أقصد إنت بتؤمن بالله الواحد الذى لا إله إلا هو؟

ماهو : (مرتبكا) بصراحة يا سيدى أنا شايفها صعبة عليه إننى أو من

بإله مش قادر أشوفه ، لكن أنا بحب مصر وبحب الأمير . . .

توتو : (مقاطعا بسرعة) طبعاً طبعاً ، كلنا بنحب مصر ، كلنا بنحب

الأمير .

(وقفه)

(مبتسماً) أنا شفت الملكة بتقول لك حاجة وهى نازلة من
المركب ؟

ماهو : كانت بتسألنى على الأمير .

توتو : باين عليها قلقانة !

ماهو : قوى !

(وقفه)

توتو : عشان كده عاوزك تسمعنى وتركز معايا يا ماهو ، إنت عارف

أعداء مصر والأمير ممكن يستغلوا الفترة الانتقالية دى ، لا بد
أن نصحصح قوى لآى أخطار جاية !

ماهو : طبعاً يا سيدى .

(وقفه)

إمبارح بالليل رجال ملثمين رعبوا الناس !

توتو : أنا عارف ، سيبك منها دى حاجة مش مهمة ، نزاعات
شخصية !

روح لشغلك دلوقتى وبلغنى بكل همسة فى القصر .

ماهو : بس لا بد أروح لميروزا دلوقت !

توتو : عشان إيه ؟ !

ماهو : مولانا عاوز يشوفه!
توتو : (يحاول أن يخفى اهتمامه) ليه؟!
ماهو : مش عارف شكلها كده منصب جديد له .
توتو : منصب إيه؟!
ماهو : معرفش هو راجل ابن حلال وناس كتير بتحبه . هروح دلوقتي
أخلص الموضوع ده بسرعة !

(يخرج)

توتو : (لنفسه فى مرارة) منصب جديد . . . ميرورا؟!
يمكن رئيس وزارة! واللا الكاهن الأعظم للدين الجديد!

(وقفة)

لكن إשמعنى ماهو؟ ليه طلب منه مش منى يروح لميرورا؟!
يمكن المنصب الجديد هو رئيس الأمن؟ . . منصبى؟!
لا . لا . مش ممكن ، أنا أعطيت عمرى كله لخدمة مصر ،
يبجى التنبل ده إالى مالوش أصل ولا فصل يركب؟!
(لا يستطيع أن يصدق) لا لا مش ممكن!
(فى حدة صارخا) لكن ليه بيعت ماهو مش أنا؟ ليه؟

المشهد السادس

(نفس الغرفة، يدخل إخناتون والملكة الأم، يبدو إخناتون متفائلا على عكس أمه التي تظهر عليها علامات التوتر بوضوح)

إخناتون : أنا سعيد يا أمي إنك غيرتي رأيك، إنت هترتاحي هنا، وأنا متأكد هتيجي قصرك والمدينة الجميلة دي

تاي : (تقاطعه) شوف يا بني أنا تعبت، وأيامي قليلة، أنا هنا عشان حاجة واحدة، وإنت عارفها يا بني!

إخناتون : إيه؟
تاي : قلقانة عليك يا بني، إنت جيت طيبة عشان جنازة أبوك، ومكملتش السبعين ورجعت هنا وأنا عارفة

الى إنت ناوى تعمله، (فى توسل) يا بنى . . .
(تردد ثم تسكت)

إخنا تون

تاى

: (بيتسم مشجعا) أنا باسمع يا أمى!
: أنا شفت أبوك بيعحكم الإمبراطورية دى على مدى
سبعة وثلاثين سنة، وأعرف المصريين إنت دلوقتى
فرعون مصر، لوحدك على العرش يا أمى .

إخنا تون

: (فى هدوء) عمرى ما كنت لوحدى على العرش يا
أمى!

تاى

إخنا تون

: إنت شاركت فى الحكم ثلاثاشر سنة .
: (فى دعة) إنت عارفة كويس يا أمى إن ده مش
حقيقى، عمره ما سمح لى أعمل اللى أنا عاوز أعمله
فعلا (يتوقف) .

تاى

إخنا تون

: بسبب أفكارك!
: أفكارى؟! المنافقين والفاستدين خللوه يعتقد إنه أعظم
فرعون، وعشان كده لا بد بينى هرم رابع أعظم من
الثلاثة الموجودين، بقالنا سنين بنضيع البلد عشان
أعظم هرم، بنضيع كل شىء عشان مقبرة كبيرة ولسه
مانتهش!

(وقفة) (فى تصميم) وعمرها ما تنتهى!

تاى

إخنا تون

: تقصد إيه؟
: إنت عارفة أقصد إيه، بتتكلمى عن أفكارى!

(وقفة)

بقالى سنتين بابنى المدينة البسيطة دى، هنا بدايتى،
التاريخ هيبتردى من هنا، مش هابنى هرم ليه لكن
هاخللى كل مصرى يبقى هو نفسه هرم، التغيير
هيبتردى من هنا يا أمى!

: (صارخة تقريبا) مش هيسمحولك !

: مين هم اللى مش هيسمحولى؟!

: إنت عارفهم .

: الكهنة؟

: الكهنة وأتباعهم هم كل المصريين .

تأى

إخنا تون

تأى

إخنا تون

تأى

(وقفة)

(تقترب منه وتمسك بيده، فى توسل) أنا بشوف
أحلام وحشة . . . أنا . . . (تتوقف محاولة السيطرة
على نفسها، تبتعد عنه، وتبدو كمن يسترجع الحلم،
فى صوت ضعيف خائف) مش ممكن! . أنا مش
عاوزاك نر .

(صمت)

: (يقترب منها ويمسك بيديها، فى عاطفة) فين الملكة
الشجاعة اللى وقفت جنب جوزها الملك السنين
الطويلة دى؟

إخنا تون

(ياخذها إلى منتصف المسرح) (وقفة)
 إيه اللي شاغللك يا أمى؟ قولى عاوزه إيه
 : اتعلم حكمة أبوك وأجدادك .
 : وإيه الحكمة دى؟
 : متواجهش الكهنة وآلهتهم .
 : (فى هدوء) ربى أمرنى إن هو وحده اللي يتعبد فى
 إخناتون أرضه .

(وقفة)

(ناظرا فى عينيها فى دفع) أمى ، إنت مصدقانى؟
 : إنت عمرك ما كذبت عليه .

(وقفة)

: أمى ، أبويا سمح لى أكون معاه على العرش سنين
 قليلة قبل وفاته ، إيه اللي حصل؟
 ما نفعش وإنت عارفة منفعش!
 : مش هو لوحده المسئول !
 : إحنا الاتنين مسئولين ، ماينفعش اتنين يحكموا
 مصر ، وإذا كان ماينفعش اتنين يحكموا مصر ، يبقى
 ماينفعش بالنسبة للكون ، لا بد أن يكون للكون إله

واحد، ومش محتاجة نبى عشان يعرفها!

(وقفة)

إنت بتؤمنى بالله الواحد؟
: أنا قلت إنك عمرك ما كذبت عليه !
: دى مش الإجابة على سؤالى .

تأى
إخنا تون

(صمت)

: (تقترب منه) إدى لنفسك وقت .
: عاوز أبتدى صح .
: الحكمة . . .
: (مقاطعا) أمى ، بتقولى أبويا وأجدادى كانوا عاقلين
وما وجهوش الكهنة وأصنامهم، إيه النتيجة، كل قرية
النهاردة ليه . والمعابد أصبحت تجارة كبيرة،
والكهنة أثروا ثراء فاحش، والناس جعانة، حياتها
ضنك .

تأى
إخنا تون
تأى
إخنا تون

: متواجهمش كلهم فى وقت واحد . (وهى تفكر) أو
على الأقل بلاش مواجهة كاهن آمون الأعظم، ريتا،
الراجل ده مش سهل، ذكى وله رؤية وجرىء .
: أنا مبخفش من حد وربى مش هيتخلى عنى .

تأى
إخنا تون

- تأى : حاول حل وسط
إخاناتون : مفيش حل وسط يا أمى .
(تأى تتجه ناحية الأريكة وهى تتمتم فى انفعال
ويأس) (تدخل نفرتيتى)
(إلى نفرتيتى) إنت فين يا نفرتيتى؟
نفرتيتى : مشغولة مع البنات .
إخاناتون : خليفهم يشوفوا ستهم الملكة الأم أنا فى الجناح .
(يقبل يد أمه ورأسها ، ويخرج)
(تجلس تأى على الأريكة ، واضعة رأسها بين يديها)
نفرتيتى : تحبى تشوفى بقيت القصر يا مولاتى؟ (تلاحظ انشغال
تأى فى أفكارها ومخاوفها تماما) أمى الملكة!
تأى : (تلتفت إليها فى حدة) إنت مش شايقة اللى بيحصل!
جوزك هيصيع مصر عشان حلم مستحيل وإنت ولا
هنا!

روقة

- إنت إيه بالنسبة ليه؟!
نفرتيتى : زوجة مخلصه!
تأى : (مندهشة للتعبير على وجه نفرتيتى الذى لا ينم عن
معنى) زوجة مخلصه! إيه الحكاية يا نفرتيتى؟
نفرتيتى : مفيش حاجة؟!
تأى : (مندهشة للتعبير على وجه نفرتيتى الذى لا ينم عن
معنى) زوجة مخلصه! إيه الحكاية يا نفرتيتى؟

تای

: مش ممكن تكونى إنت نفرتيتى .
فين نفرتيتى الطموحة الجميلة التى نقتها نقاوة لولى
العهد؟!!

(وقفه)

فيه واحدة ست تانية؟
: لا . نفرتيتى
: الحريم؟ بيشفهم؟ تاى
: أيدا . نفرتيتى
: عشان خلفته بنات معندوش ولد؟ تاى
: (تشيح بوجهها بعيدا) معرفش ! حقيقى معرفش ! نفرتيتى
حاسة إن فيه حاجة واقفة بينى وبين قلبه !
: الكلام ده بقاله أد إيه؟ تاى
: من يوم ما تجوزنا! نفرتيتى
: (فى دهشة) إنت مجنونة؟ إنتو متجوزين بقالكم سنين
وعندكم عيال!
: ربما أكون أنا السبب . نفرتيتى
: إزاي؟ تاى
: أنا من أسرة عادية، ومعرفش أكون . . . نفرتيتى
: (فى حدة) كلام فارغ، أنا كمان من أسرة عادية . تاى

(وقفه)

نفرتيتى : قصدك تقولى إنه باعدك عن كل حاجة؟
: لا يا أمى الملكة، مش عارفة أقولها ليكى إزاي
(تحاول) هو أب عظيم وزوج عظيم بيخاف على
شعورى قولى لكن (تتردد وتقف).

تاى : لكن ايه؟
نفرتيتى : فيه فى قلبه وعقله حاجة مش قادرة أوصل لها!
تاى : (وهى تنظر فى عينيها) متعرفيش هو هيعلم إيه فى
حفل التتويج بعد يومين؟!

نفرتيتى : عارفة زى كل اللى فى القصر .
تاى : لا يا نفرتيتى إنت مش زى اللى فى القصر
(تحاول أن تقف، فتجربى نفرتيتى لأخذ يديها
ومساعدتها على الوقوف)

نفرتيتى : إنت لسة طفلة . لا بد أن تثبتى ليه ولنفسك إنك مش
تاى : زى كل اللى فى القصر، لا بد أن تشاركيه فى كل
حاجة، وتكونى دايما معاه لما يحتاجك
: عمره ما احتاجنى ولا طلب . .
تاى : (مقاطعة) مش ضرورى يطلب، فين ذكائك يا
نفرتيتى؟!

(وقفه)

جوزك فى خطر وإنت بتتصرفى زى الطفلة!

فين حور محب؟ مع مين؟

: يعنى إيه مع مين؟

: يعنى رأييه إيه فى اللى هيعمله ابني؟

: معرفش !

: (مصدومة) متعرفيش ! أختك زيمات مراته

ومتعرفيش ! آخر مرة شفتيها إمتى؟

: مرة واحدة من يوم ما جت من طيبة .

: مرة واحدة !

(تفكر مليا) فيه حاجة بتحصل ! اسمعى يا نفرتيتى ،

إنت متعرفيش الدنيا كويس ، لكن أنا تاي زوجة

أمونحتب الثالث العظيم ، شفت كتير وميخدعنيش

الكلام المعسول ولا عبارات النفاق فى القصور ،

عمرك ما تسمحي لحد يخدعك .

(وقفه)

فيه مهمة عاجلة ليكى يا نفرتيتى .

: خير؟

: عاوزه أعرف اللى فى دماغ حور محب ، إنت تشوفى

أختك وبذكاء تعرفى إيه اللى بي فكر فيه جوزها فعلا ،

جوزك ناوى يواجه الكهنة ويحطم معابدهم ، ولازم

نعرف رأى قائد الجيش .

نفرتيتى

تاي

نفرتيتى

تاي

نفرتيتى

تاي

نفرتيتى

تاي

نفرتیتی : أنا مستعدة أعمل أى حاجة عشان جوزى .
تای : عارفة يا نفرتیتی، حاولى تشوفى أختك حالا
دلوقتى .
نفرتیتی : دلوقتى؟
تای : أيوه، مفيش وقت نضيعه، أنا حاسة فيه حاجة
بتحصل!

(تخرج نفرتیتی)

(إلى نفسها) رييتا . . الكاهن الأعظم رييتا . نفس
الحدوته القديمة!

إسلام

المشهد السابع

(غرفة فى بيت حور محب، ترقد زوجته زيمات على الأريكة مستمعة إلى الأختين تارا، وهما ساحرتان متقدمتان فى السن يبدو بوضوح أن زيمات مخمورة، تتابع بغير اكتراث ما تفعله أو تقوله الأختان .

تتحرك الساحرتان فى شكل دائرة، بينما تقرعان الدفوف فى بطاء، ثم تتوقفان وتجلسان على الأرض فى مقابل زيمات، وتفتحان زجاجتين مليئتين بالرمال، وتنثراه على أرض الغرفة، ضاربتين الدفوف فى حركة ميكانيكية عنيفة تؤدى فى النهاية بهما إلى حالة أشبه بالغشية والنشوة معا)

- ١ : تارا ١ : شايقة . . . شايقة الرمل ها يطير . . . يطير فوق .
- ٢ : تارا ٢ : بس الأول تحت . لا بد يطير تحت .
- ١ : تارا ١ : مش كثير .
- ٢ : تارا ٢ : العظمة والملك ف سكتك !
- ١ : تارا ١ : شايقة التعبانين !
- ٢ : تارا ٢ : وتاج مصر !
- ١ : تارا ١ : على رأسك !
- ٢ : تارا ٢ : وعلى رأسه !
- زيمات : كدابة إنتى وهى ، سنين وإنتو بتكدبوا عليّه ، مفيش غير الكذب !
- ١ : تارا ١ : (صارخة دون النظر إلى زيمات) لا . . . الرمل عمره ما يكذب !

(وقفة)

- ٢ : تارا ٢ : (مملية النظر فى الرمل) الخطوط والعلامات !
- ١ : تارا ١ : شايقة الخراب !
- ٢ : تارا ٢ : مدينة بتتحرق !
- ١ : تارا ١ : رماد فى رماد !
- ٢ : تارا ٢ : والتاج بيتحرك ، جايلك ، جايلك !
- زيمات : (ضاحكة) جايلى أنا وحوور محب؟ طب هنعمل إيه؟
- ١ : تارا ١ : لا شىء !

زيمات : (متعجبة) لا شيء! (ساحرة) مش هناخد حاجة إذا
معملناش حاجة!

تارا ٢ : غلط ، هاتخدوا كل حاجة عشان مش هاتعملوا حاجة !

زيمات : (فى نفاذ صبر) كلامكم أَلغاز يا سحرة !

تارا ١ : تعالى هنا تعالى ، وخطى الخطوط والعلامات سبع مرات .

تارا ٢ : سبع مرات .

(تنهض زيمات وفى يدها الكأس وتسير بغير ثبات إلى حيث
الساحرتين)

(تدخل نفرتيتى ، وتندesh لما تراه ، فتقف شاخصة إلى
زيمات والساحرتين)

نفرتيتى : إيه إلى بتعملوه يا زيمات ؟ !

زيمات : (وهى تعود إلى الأريكة ، ضاحكة) لا شيء!

(إلى الساحرتين) قولوا للملكة مصر إحنا مبنعلمش حاجة!

نفرتيتى : (إلى الساحرتين) إنت وهى ، بره! بره!

(تهرع الساحرتان للخارج)

(وقفه)

زيمات : (لنفسها بصوت عال) نفرتيتى . . . أختى ، ملكة مصر هنا

إيه الشرف والتكريم ده !

نفرتيتى : إنت لسه بتصدقنى الأوهام دى ؟

زيمات : هو إنت مبتحبيش الأوهام؟ ليه؟! كنت فى يوم من الأيام

بتحبيها، فاكرة الرجل العجوز اللى قال لنا هنبقى إحنا
الأتنين ملكات مصر، كنا أختين صغيرين و

نفرتي : (مقاطعة) زيمات

زيمات : دلوقتي إنت ملكة مصر عشان كده معدتيش بتحبي الأوهام!

(تضحك فى سخرية) تعرفى إنت إيه؟ إنت ملكة

الواقع، طول عمرك وإنت ملكة الواقع!

نفرتي : (مقاطعة) إنت سكرانة .

زيمات : عمرك ما حبيتى الأوهام، أيوه، ملكة الواقع .

(ضاحكة) ده الشئ الوحيد اللى بحسبك عليه

(تشرّب) تعرفى إمتى وإزاي تبيعى نفسك

نفرتي : (وهى تأخذ الكوب منها) خلاص، إنت مش واعية

بنفسك!

زيمات : كنت أول واحدة تلعنى إيمانك بالله الواحد، ساعتها

مفهمتش، لما قلتى لأبونا يروح للأمر يقول له إنك خلاص

سيبتى كل الآلهة وبتؤمنى بالله الواحد، مفهمتش، لكن

فهمت بعد كده فى حفل السد لما شوفتك بترقصى،

وتستعرضى جمالك قدام الكل، خاصة (تتردد) حور

محب

نفرتي : (تقاطعها فى غضب) اخرسى !

زيمات : (فى هذيان) شفتك ساعتها بتبصى له، يوميهها ماثميش

وقعدتى تحلمى وتكلمى عنه، فاكرة

نفرتي : إنت مجنونة؟!

زيمات : (مبتعدة عنها في غير ثبات) تانى يوم الملكة تاي اختارتك
لابنها المريض البشع ، اللي رضيتى بيه ، ونسيتى فتى
الأحلام ، جوزى عارفة ليه . . . عشان إنتى ملكة الواقع . .
إنتى . . .
نفرتيتى : (تقاطعها صارخة) اخرسى ، اخرسى

(وقفة)

إنت مش فى عقلك !

(صمت)

زيمات : أنا سكرانة . . . واللى أنا بقسوله ده كلام . . . أنا بس
بعاكسك ، (ضاحكة فى تشنج) ياما قلنا أنا وإنتى أكثر من
كده قبل ما تتجوزى الأمير وأتجوز أنا حور محب .
نفرتيتى : (تقاطعها فى سرعة) أنا جايه ليكى هنا لأننى مشفتكىش من
زمان .
زيمات : (تتمتم) أنا ليه الشرف يا نفرتيتى ، أنا بس كنت بعاكسك ياما
قلنا أنا وإنتى كلام أكثر من كده بكثير لما كنا صغيرين .
نفرتيتى : الوضع دلوقتى مختلف .
زيمات : صحيح . . . الوضع مختلف ، إنت دلوقتى الملكة !

(وقفة)

نفرتي : إيه اللي جراك يا زيمات؟ افكرت إنك هاتبقى سعيدة لما تشوفيني .

زيمات : طبعا . . . طبعا . (تشرّب) أنا فعلا سعيدة .

نفرتي : إنت أختي ، ودايما هكون جانبك لما محتاجيني ، وأنا متأكدة إنك برضه تكوني جانبي لما أحتاجك .

(صمت)

طبعا هتحضري حفل التتويج . هنروح سوا .

زيمات : طبعا .

نفرتي : فيه بعض المشاكل ، بس ربنا معانا ، ومش هيتخلا عننا .

زيمات : (تشرّب) طبعا ، فيه مشاكل ، والإشاعات فى كل مكان ، وده غضب من آمون وكل الآلهة .

نفرتي : كلامك زى كلام الكهنة الملاعين .

(وقفة)

زيمات : (ضاحكة فى هيسيريا) أنا مش غبية يا نفرتي !

نفرتي : قصدك إيه؟

زيمات : إنت عاوزه تقولى إنك بتؤمنى بالدين الجديد والإله الواحد؟

عارفاكى !

نفرتي : أيوه أنا مؤمنة ومخلصة فى إيماني .

زيمات : إنت مؤمنة ومخلصة بس لطموحك اللي مالوش حدود .
وإنت عارفة ده كويس .

نفرتي : (تقف ، فى غضب) أنا مخلصة وصادقة .

زيمات : اتكلمى عن أى حاجة غير الصدق إنت مش ممكن تكونى
صادقة . ده عيبك اللي مالوش حل !

نفرتي : مبتعرفيش تخبى حقدك .

زيمات : لا مش حقد ، أنا بس بقول الحقيقة ، لأنى أكره الكذب ،
إنت متقدريش تكونى صادقة ، وعشان طموحك تعمل أى
حاجة تغيرى دينك . . . تكذبى حتى على نفسك وتقولى
إنك بتحبنى جوزك المريض البشع . . حياتك كلها كدبة
كبيرة

(فى تهكم) تقدرى تواجهى نفسك وتقولى لها (تتوقف فى
جنون) وتقولى لجوزك إنك عاوزاه واجوزتيه عشان
العرش؟

(وقفه) تقدرى تقولى له إن حور محب كان ويمكن لسه
فارس أحلامك؟!

نفرتي : (مصدومة ، تخطو ناحيتها وتمسك بذراعيها فى عنف)
عمرك ما هتغيرى ، نفس الشر الأسود . . .

(صمت)

(تتجه ناحية الباب ، وعيناها تنبئ عن تيقظ عنيف فى روحها)

إلا أنها تحاول أن تبدو متماسكة وهي تخرج في مرارة
والم... .

ياه... . عمري ما تخيلت إنك شايلة كل الحق والكراهية
دول ليّه!

إظلام

(نهاية الفصل الأول)

الفصل الثانى

المشهد الأول

(الوقت ليل متأخر، وفي أحد الأزقة الفقيرة فى قرية على الجانب الآخر من النيل، إختاتون فى ملابسه العادية، يصغى إلى صراخ وبكاء أطفال يأتى من بيت قديم معزول، يبدو أن بيك غير مرتاح لوجوده فى مثل هذا المكان، إلا أنه لا يظهر ذلك)

بيك : مولاي، أنا مش فاهم أقصد مش شايف النظرية فى وجودنا . (يتردد، ناظر احواليه) يعنى يا مولاي ناخذ مركب فى الليل ده ونيجى لحتى مقطوعة، باين عليها الغلب والفقر و . . .

إختاتون : (مقاطعا) هس، إنت سمعت ده؟

- بيك : إيه؟
 إخناتون : ده؟
 بيك : ده إيه يا مولاي؟
 إخناتون : حد بيبيكي!
 بيك : (يصغى، فى غير اكتر اثار) عيال بتبكي قبل النوم...
 مش بالطريقة دى!
 (فى ارتباك) مش فاهم، عيال!...
 عيال بتبكي عشان هم عيال، أقصد إنه عادى
 وبعدين...
 إخناتون : (متجها ناحية المنزل مصدر الصوت) لا. لا.
 (يدق على باب المنزل، تظهر امرأة عجوز واهنة البنيان)
 فى إيه يا أمى؟
 المرأة العجوز : مفيش حاجة.
 إخناتون : عيالك بيبيكوا... ليه؟
 المرأة : (بعد تردد) جعائين!
 إخناتون : جعائين! ليه مبتأكلهمش؟!

(وقفة)

- المرأة : معندناش أكل.
 إخناتون : (مصدوما، يخطو إلى الداخل) معنديش أكل! (ينظر
 أمامه فيجد طفلتين صغيرتين فى ملابس بالية، تبكيان

وبجوارهما وعاء من الفخار على النار يتصاعد منه
البخار)

إنت بتطبخى أهه ؟ (يرفع غطاء الوعاء ، فى شك)
بتطبخى إيه ؟!

المرأة : (فى عجز يائس) شوية أحجار !

إخناتون : (مصدوماً على نحو بالغ) أحجار ؟!

المرأة : لغاية ما يناموا .

(تحاول أن تسيطر على دموعها) معنديش حاجة أطبخها لهم .

(صمت)

(ينظر إخناتون إلى الوعاء ثم إلى الطفلتين ، ويندفع
بعدها إلى الخارج ، وخلفه بيك ، تبدو على وجه المرأة
الدهشة ، ولكنها تتحرك فى حزن إلى الطفلتين اللتين
يتصاعد بكاءهما ، تحاول تهدئتهما وهى تغطيهما)
خلاص يا حبايى ... خلاص ... ربنا كريم ... ربنا
مش هايسينا ...

(على نحو غامض تستجيب صرخات الطفلتين لعجز
ويأس المرأة ، فتخفت الصرخات وتصبح همهمات
ضعيفة حزينة)

(يعم المسرح إظلام كامل ويأتى صوت الناي حزينا
وحيدا موحشا)

(يدخل إخناتون يهرول عائدا وهو يحمل فوق كتفيه كيسين من الحبوب والطعام - متجها ناحية المنزل يتبعه بيك)

بيك

: خلينى أشيل عنك يا مولائى .

إخناتون

: لا هايسألنى أنا، مش إنت .

بيك

: مين اللى هيسألك يا مولائى ؟!

إخناتون

: ربنا . . ربنا هيسألنى عن الفقراء والمساكين . (وهو

يخطو داخل المنزل) دول مسئوليتى . (يضع الحبوب

والطعام، إلى المرأة محاولا الابتسام)

ده ليكى إنتى والبنتين . (وقفة) دول بناتك ؟

المرأة

: بنات ابنى .

إخناتون

: وفين ابنك ؟

المرأة

: مات فى الحرب، مراته سابت البيت والبنات ليّه .

(وقفة)

إخناتون

: (كمن قرر شيئا) عاوزه حاجة تانية يا أمى ؟

المرأة

: ربنا يخليك يا ابنى .

(يتجه نحو الباب للخروج) يا ريت يا ابنى

(يلتفت إليها)

يا ريت كان اللى بيحكمونا زيك !

(يفاجأ إخناتون، لكنه يلتفت متجها إلى الخارج)

(خارج المنزل يقف إخناتون متأملا فى أسى)

إخاناتون

: (إلى بيك) طب والناس الثانية؟

(بيك لا يعرف ما يقوله)

فيه ناس كتير زى الست دى منعرفش عنهم حاجة وربنا
هيسألنى عنهم، آلاف كتير زى الست دى، أيوه ناس
كتير فى مصر مش لاقين ياكلو بيموتوا من الجوع
والكهنة وأتباعهم الفاسدين أخذوا كل حاجة !

(وقفة)

(فى مرارة) وكان كل همه يشن الحروب ببنى الهرم
وتمائيل كبيرة ملهاش معنى ! (ملتفتا إلى بيك) فى الفن
بتاعك من الحقيقة اللى شفتها الليلة دى يا بيك ؟
(وقفة) ضيعت وقتك وموهبتك فى رسم زيف ملوش
معنى ! ليه ؟ ليه ؟ !

إظلام

المشهد الثاني

قصر إخناتون ، نفس القاعة ، تدخل الملكة الأم تاي ،
ونفرتيتي .

- تاي : (في نفاد صبر) ده مش وقت إجابات غامضة .
نفرتيتي : (مرتبكة ، ما زالت نظرة التيقظ تسكن عينيها) مش عارفة ،
(لنفسها تقريبا) هي زيمات دايما كده .
تاي : أنا ما بتكلمش عن زيمات ، باتكلم عن جوزها حور محب ،
مع مين هو ؟
نفرتيتي : الأمير طبعاً .
تاي : عرفتني مينين ؟ قصدى إزاي قالت لك ده ، واللا سمعتيها من
حور محب نفسه ؟

نفرتيتى : ماكانش موجود، (وهى تفكر) كلام... كلام زيمات

بيقول كده. (وقفة) أمى الملكة (تتردد) حضرتك مصدقة

ابنك؟ قصدى بتؤمنى بالله الواحد؟

تاى : (متحاشية النظر إليها، تسير إلى الأريكة) أنا تعبت،

وأيامى قليلة.

نفرتيتى : (فى استجداء) حضرتك بتؤمنى بالله الواحد الذى لا إله

إلا هو؟

تاى : (تجلس) أيوه.

نفرتيتى : لكن ماقلتيش أبدا لابنك!

تاى : إنتى وابنى لسه أطفال، معرفتكم بسيطة بالعالم

وحقيقته، أنا بكره الكهنة الخبثا، وعارفة إنهم أعداءنا رغم

إنهم بيتظاهروا إنهم أصدقاءنا، قوتهم و ثروتهم زادت

قوى بمرور السنين، أصبح كاهنهم الأعظم فرعون تانى،

ورغم الظاهر إنهم بتوع عبادة، الحقيقة إنهم وحوش،

استفحلّت، نهبت وسيطرت على كل حاجة فى البلد،

لكن دى حقيقة... وحقيقة مرة مصر عايشاها من مئات

السنين، وبقالنا سبعة وتلاتين سنة بتتعامل معاهم بدهاء

وحكمة، وده اللى عاوزاكى إنت وابنى تتعلموه.

(وقفة)

المواجهة الصريحة معاهم كارثة!

نفریتی : مش كان أحسن ابنك يعرف إنك بتأيديه ومؤمنة بالله
الواحد زيه؟

تای : (مدركة ما تثيره كلمتها من ألم) إختاتون واقف وحده!
لا. ده مش التأيد اللي يحتاجه، لا بد يعرف إن اللي بيصنع
فرعون ويهدمه هم الكهنة!

(صمت)

نفریتی : وأنا عاوزاكي تساعديه إنه يفهم الحقيقة دي!
تأی : (تبدأ فى اكتشاف ما تريده وتؤمن به حقيقة) مقدرش .
تأی : (تقف) لا. تقدرى يا بنتى!
(تخطو ناحيتها) حاولى تاخدى فكره بعيد عن فكرة الإله
الواحد.
نفریتی : ده حقيقة عايشها ومحدث يقدر يغيره.

(وقفة)

تأی : تحبى تشوفى جوزك بيدمر نفسه؟
نفریتی : لا طبعا
تأی : إذن اعملى كل اللي تقدرى عليه عشان تحمى جوزك
والعرش يا نفریتی، إنت الملكة دلوقتى أنا حاربت كتير
عشان جوزى والعرش، بس تعبت وعجزت ومعادش فيّه

حيل ولا صحة . (تتجه للخروج) أنا ليّـه الراحة
دلوقتى .

(تخرج)

نفرتيتى : (فى يأس - لنفسها) أنا مقدرش أكون زيك يا أمى ، مافيش
حاجة أقدر أعملها ، إختاتون لوحده بيواجه العالم ومش
عارفة أقف جنبه إزاي .

(وقفة)

أختى بتحسدنى يمكن أنا زى ما بتقول مش صادقة
وده العقاب ؟ لا أنا صادقة . . . ومؤمنة بربك يا
إختاتون ، إنت بتقول ربنا يعرف اللي فى قلوبنا ، وأنا
صادقة وربنا عارف . . .

(تأتى موسيقى عذبة مصحوبة بتراتيل جماعية من داخل
القصر ، نفرتيتى تصغى فى تأثر إلى كلمات التراتيل : يا
رب الجميل يا جميل يا رب فى حبك بتعيش القلوب ،
وتغنى الطيور ، نورك جوايا وماليش غيرك يا رب !)
(وهى تسجد) نورك جوايا وماليش غيرك يا رب .

(باكية) نور جوايا يا رب ، يا رب إنت عارف إنى صادقة !
(تضع رأسها بين يديها) ماليش غيرك يا رب ، متسبنش

رب، متسنيش يا رب!

(يدخل إخناتون)

إخناتون : (يلحظها) إنتى هنا لوحذك يا نفرتيتى، أمال فىن أُمى؟

(وقفة)

(يقترّب منها) إيه اللى حصل، خير؟!

نفرتيتى : (تحاول أن تخفى دموعها) مافيش حاجة.

إخناتون : (ممسكا بيديها، يأخذها إلى نصف المسرح، فى حب)

فيه إيه يا نفرتيتى؟!

(وقفة)

نفرتيتى : (تحاول أن تستجمع شجاعته) أنا عاوزة أقول لك حاجة يا

إخناتون... حاجة يمكن تشوف إنها غريبة خاصة بعد

سنين من جوازنا... لكن... (فى حسم) لا بد أن

أقول لها لك.

إخناتون : (مبتسما) خير.

نفرتيتى : أنا أمنت بالله الواحد قبل ما شفتك.

إخناتون : وكنتى أول امرأة تدخل الدين... .

نفرتيتى : (مبتعدة عنه) لو سمحت خلىنى أقول كل اللى عندى...

أيوه... كل اللى عندى. (وقفة) فى يوم من الأيام

سمعت إن أبويا بيرتل التراتيل الجميلة اللى إحنا بنسمعها
 دلوقتى، سمعتها وحسيت إنها بتسرى فى روحى، سألت
 أبويا معلمك، عنك وعن ربك، حكاالى عن عقلك وكماله
 وعن صدقك، بعدها لقيت نفسى فى لحظة غريبة بأشهد أن
 لا إله إلا الله، الخالق القادر وفى الحفل شفتك لأول مرة،
 بالنسبة ليّه كان بيت الفرعون والأمير حلم جميل وأسطورة
 مشيرة شدتنى ليها زى الفراشة اللى بتتشد إلى النور وبعدين
 لنفسها تقريبا) وبعدين تتحرق بيه .

(وقفة)

إخاناتون : (فى عاطفة دافئة) نفرتيتى . . . بلاش تبقى قاسية على
 نفسك .
نفرتيتى : (فى إصرار) أول مرة شفتك اتخضيت، أقصد، (تتردد)
 فى البداية حسيت إنك مش ممكن تكون فتى أحلامى .

(صمت)

بعد الجواز بقيت أصلى وأطلب من ربنا يكلمنى زى ما
 كلمك يقوللى إزاي أحبك، أمى قالت لى ياما أزواج
 وزوجات عاشوا بدون حب، سنين وأنا خايفة إنك فى يوم
 تسألنى إنت بتحبينى يا نفرتيتى؟ كنت متأكدة إنى مش
 هقدر أكذب عليك، الغريب عمرك ما سألتنى !

إختاتون : إنت كنت أول امرأة تدخل الدين ، وده بالنسبة ليّه أكثر من كفاية يا نفرتيتى .

نفرتيتى : (فى توسل) أنا مبتكلمش عن ربنا يا إختاتون ، أنا باتكلم عنك وعنّى ، إمبارح قلت عاوز تبندى صح وأنا عاوزة إختا نبندى صح هنا الأول . . . فى بيتنا . . . هل ده ممكن ؟

(وقفه)

إختاتون : ربنا وحده يقدر يغير القلوب يا نفرتيتى .
نفرتيتى : عارف يا إختاتون لما إنت رحت الجنّازة فى طيبة وغبت ، لقيت نفسى بفكر فيك طول الوقت ، مكنتش أعرف إنك عايش جوايا كده . . . وإنّت بعيد عرفت إن من غيرك معرفش أكون سعيدة ، كنت عاوزاك ترجع بسرعة ، أنا . . . أنا كنت بشم هدومك فى الدولاب ، كنت عاوزاك ترجع عشان أقول لك إن بعادك علمنى إنى مقدرش أعيش من غيرك ، (تطوق بذراعيها عنقه) وإنى بحبك يا إختاتون .

إختاتون : أنا كمان بحبك يا نفرتيتى . (وقفه) الحمد لله .
(يتحرك بعيدا لكن فى هدوء) نفرتيتى أنا كنت عارف كل اللى قلتيه ده ، لما اتقابلنا أول مرة فى الحفلة ، شفت عينيكى وحيرتك ، أنا عارف نفسى كويس يا نفرتيتى ، أنا لا منظر ولا وسيم زى حور محب مثلاً . . .

نفرتي : (تأتى له ثانية، فى عاطفة مشبوبة) لا يا إختاتون إنت

حببى، عيني وقلبي ميشوفوش غيرك وربنا عارف...
ربنا عارف.

وسامحنى ماكتتش أعرف إنك كنت عايش وبتفكر فى
حاجات زى كده، ورغم كده عمرك ما قلت كلمة تجرح
شعورى!

إختاتون : مقدرش يا نفرتي، ولا هقدر، لإنك هدية ربنا الحلوة
ليه.

(ترجع وتقبل يديه) بحبك... وبحب ربك يا إختاتون!

نفرتي : (ياخذ يديها فى يديه، ويقودها إلى منتصف المسرح)

إختاتون : بحبك يا نفرتي.

(يحتضانان فى عاطفة عميقة مشبوبة)

نفرتي : من النهارده مش هتبعد عنى ولا هبعد عنك، عاوزه أبقى

زى أمى الملكة اللى وقفت مع جوزها فى كل حاجه، ويا
ريت يا إختاتون تشركنى معاك فى كل شىء.

إختاتون : (يبتسم ناظراً ناحية الباب حيث تأتى أصوات) (يدخل
ماهو)

أيوه يا ماهو؟

ماهو : ميرورا هنا يا مولاي.

إختاتون : خليه يدخل (ما زال يبتسم إلى نفرتي) عاوزه تشتغلى

معايا؟

(ياخذ بيديها ويقعدها على الأريكة) اتفضلى، دى البداية،

اقعدى جنبى هنا، إنت اللى طلبتى!

(يدخل ميرورا، وينحنى)
(إلى ميرورا) أهلا ميرورا. إنت عارف بعث لك ليه؟
ميرورا : لا يا مولاي.

(وقفة)

إخناتون : (يقف ويتبعد عن الأريكة) عاوز مساعدتك .
ميرورا : أنا خادم مولاي .
إخناتون : عندي لك وظيفة هنا، لكن الأول فيه أخبار كويسة!
(وقفة) الهرم اللى ضيعنا فلوس البلد عليه ومخلصش
خلاص، مفيش هرم، كل العمال يرجعوا بيوتهم
وغيطانهم، من النهارده مفيش أهرامات ولا حروب . . .
(يلاحظ السعادة والمفاجأة على وجه ميرورا) بخصوص
عملك الجديد . . . إنت سمعتك كويسه، أمين وبتخاف
رينا (ينظر إلى نفرتيتي التى تبتسم موافقة) . . . عاوزك يا
ميرورا تصلح حاجات كتيره هنا فى القصر وعلاقته
بالناس .

(وقفة)

أنا اخترتك يا ميرورا كبير الوزراء وأمين على القصر .
ميرورا : أنا أخدم مولاي ووطنى فى أى مكان . (فى حرص) وطبعاً

عملى هيكون مع ماهو رئيس الخرس ، وتوتو رئيس
الأمن . . .

إخناتون : اسمعنى يا ميرورا كويس إنت هتبقى مسئول عن كل حاجة
فى القصر والبلد، أنا عاوز أعرف كل شىء ، عاوز تقارير
صادقه، مش عاوز كذب وافتراءات على الناس ، عاوز كل
مصرى يشعر إنى قريب منه وحاسس بيه وبمشاكله .

ميرورا : (ينحنى) أدعو الله أن يوفقنى وأكون عند حسن ظن مولاي .

إخناتون : إذن استعد من الآن، متجيبش سيرة وتبدأ بعد التتويج
مباشرة .

(ميرورا ينحنى ويخرج)

(وقفة)

نفرتيتى : أنا خايفه يا إخناتون .

إخناتون : من إيه؟

نفرتيتى : كهنة آمون والآلهة الثانية و . . . (تتوقف)

إخناتون : (بهدهوء) إحنارينا معانا .

نفرتيتى : قصدى إحنا ممكن نأجل إعلان الدين الجديد، نخليه بعد

التتويج، أنا سمعت إن الفرعون الجديد لابد أن يتوجّه
كهنة آمون والآلهة الثانية .

إخناتون : مش محتاجهم، التتويج هيحصل فى عز النهار، قدام

المعبد فى الشارع بين الناس البسطا وربنا شاهد وبيارك .

(صمت)

(يمسك بيديها ليقودها إلى منتصف المسرح ، تختفى إضاءة المسرح إلا من بقعة تغطيها وخاصة وجهيهما والسعادة الحقيقية التي تغمرهما ، تبدو نفرتيتي مسحورة بصدق وعفوية كلمات إخناتون الذي أسره هو الآخر حب نفرتيتي الصادق له وخوفها عليه البادى بجلاء على وجهها الجميل)
(تأتي من على البعد موسيقى التراتيل العذبة)
بحب وشك ، حلو قوى .

(وقفة)

ماتخافيش يا نفرتيتي أنا عارف التغيير كبير ومش سهل ، لكن ده أمر ربى ، والتغيير ده لصالح شعب مصر اللي استعبده الكهنة وأتباعهم آلاف السنين ، الكهنة صنعوا من الفرعون إله عشان مصالحهم ، وهم كمان أصبحوا فراعنة ، والبلد كلها أصبحت فراعنة وعبيد عايشة وناس مش لاقية تاكل . (فى حسم) لا بد من التغيير ، لا بد واحد يقف ويقول لا ، أنا الواحد ده ، ربنا اختارنى (فى صوت متهدج صادق) مفيش آلهة على الأرض يا نفرتيتي ، وهبدأ بنفسى وأكون الفرعون الأخير ، هعيش زى كل المصريين العاديين ، ألبس وأكل وأشرب زيهم ، ده اللي عاوزه ربنا منى . (وقفة)

عندنا شغل كثير بعد التتويج ، هنبنى كل شىء من جديد ،

مفيش ظلم ولا فساد، المصريين هيعيشوا الحياة الكريمة اللى
يستحقوها، ياما شفتهم بيعانوا والقصر بيحتفل بأكاذيب!

نفرتيتى : غريبة !

إخنا تون : إيه؟

نفرتيتى : عمرك ما حببت حياة القصر فى طيبة، ودائما تحب الوحدة؟

إخنا تون : عمرى ما حسيت إنى منهم . . . أنا (يتوقف)

نفرتيتى : (فى إصرار) إيه؟!

(وقفة)

إخنا تون : (يتحرك بعيدا عنها للخروج) أنا . . . مش عاوز أتكلم . . .

نفرتيتى : (تتابعه فى إصرار) عشان خاطرى قول لى، (مش عاوزاك
تكون لوحذك تانى أبدا.

إخنا تون : اتعودت خلاص على الوحدة !

نفرتيتى : ضرورى فيه سبب .

(صمت)

إخنا تون : فيه بداية يمكن تقولى عليها سبب، من ستين أجبرنى أبويا

الملك أطلع معاه ومع أخويا تحتمس نصطاد فرس البحر،
اللى هاج ووقعنا كلنا فى الميه، مقدرتش أعوم ولقيت
نفسى بغرق وكنت بموت، وصرخت . . . ناديت ربنا

وسمعته يقول ليّ إنت هتعيش عشان تعبدنى ، معرفش
لقيت نفسى إزاي على الشط . . . وعرفت إن أخويا مات
فى نفس المعركة مع فرس البحر ، (فى مرارة شديدة) الموج
كان عالى وشديد ، الملك ماشافش وهو بيضرب فرس
البحر ، أصاب ابنه ، أخويا تحتمس .

عمرى ما هنسى اليوم ده محدش كلم حد لغاية ما وصلنا
القصر وفوجئت بالملك أبويا بيقول أغرب حاجة !

نفرتيتى : قال إيه ؟

(وقفة)

إخناتون : قال ياريتك مت وأخوك هو اللى عاش !
(صمت) فى اليوم ده إحساس غريب وصلنى . . . حسيت
إن مش بس أخويا مات ، لكن كمان أبويا وأمى ضاعوا
منى ، . . أيوه كلهم ضاعوا منى ، والدنيا معدتش هى
الدنيا ، بعدها اتعلمت ألاقى نفسى فى وحدتى !

إظلام

المشهد الثالث

(منتصف الليل ، فى كهف بجبل قرب مدينة تل
العمارنة ، يقف الكاهن الأعظم فى الوسط مستغرقا
فى أفكاره ، بينما الكاهنان الثانى والثالث وتوتو
ينتظرون فى توتر أن ينتهى الكاهن الأعظم من
تفكيره ويتكلم)

الكاهن الأعظم : (ملتفتا إلى توتو ، فى تهكم) إذن غدا يتم تتويجه بين
الناس مباركا من إلهه؟!

توتو : نعم يا سيدى .

الكاهن الأعظم : أين؟

توتو : فى الساحة اللى أمام المعبد .

الكاهن الأعظم : متى؟

توتو : فى منتصف النهار .

(وقفة) الملكة تاي واتنين من كبار المواطنين هيلبسوه التاج .

الكاهن الثالث : الملكة تاي داهية ويحبها الناس ، وأخشى أن هذا يدمر كل شىء .

الكاهن الأعظم : (يذرع المكان جيئة وذهابا- إلى توتو)

وهل ما زال ينوى إعلان الدين الجديد

توتو : وأيضا إلغاء كل الديانات الأخرى!

(صمت)

الكاهن الأعظم : (يتوقف فى هدوء وثقة) ونحن مستعدون .

(إلى الجميع) لا نوم لنا الليلة . (وقفة) لا يجب أن

نسمح لحور محب أو ماهو بحضور الاحتفال . أنا

سأتولى حور محب . (إلى توتو) وأنت تتولى الملكة

تاي وماهو ، لا يجب أن يحضروا الاحتفال .

توتو : أمرك يا سيدى .

(وقفة) وماذا نفعل مع ميرورا؟

الكاهن الأعظم : (مبتسما فى تحد) غريمك؟!

توتو : أرسل له أمس .

الكاهن الأعظم : لماذا؟

توتو : لا أعرف ، لم يرسلنى إليه بل كلف ماهو بذلك .

الكاهن الأعظم : وهل قابله ؟

توتو : نعم ، لكن لم يعلن شيئاً بعد اللقاء ، ميرورا ربما يُعين

كبير الوزراء !

الكاهن الأعظم : أو ربما رئيس الأمن الجديد ، أنت قلت له إنه أرسل

ماهو ولم يكلفك أنت !

توتو : (فى قلق بالغ) ربما !

الكاهن الأعظم : (وقفه) أعدك يا صديقى لن يكون هذا أو ذاك ، (إلى

الجميع) والآن اصغوا جيداً يا أصدقائى ، أمامنا غدا

خياران لا ثالث لهما : إما أن نخرج من هذا التحدى

أو نخسر كل شىء ونموت جبناء ، الخطأ غير مسموح

به .

(وقفه)

(إلى الكاهن الثالث) غدا ، وقبل ظهور الكافر بدقائق

قليلة ، يتواجد عشرون من رجالك فى الصف الأول

وينتظرون إشارتك أيضا يجب أن تحسن توزيع بعض

الرجال بين الجمهور للسيطرة عليهم .

(وقفه)

(إلى توتو) عليك أن تستبدل بثلاثة من رجالنا من
حراس العرض، هؤلاء الرجال يجب أن يلاصقوا
الكافر طوال العرض .

(إلى الجميع) والباقي تعرفونه!
(يدخل الكاهن الأول، ويبدو متزعجاً)

الكاهن الأول : لقد اختفى الشاب !

الكاهن الأعظم : متى ؟

الكاهن الأول : اكتشف الحارس ذلك منذ دقائق .

الكاهن الأعظم : (وقفه) لا بد أن تجدوه . (إلى توتو) لا يجب أن
يتمكن من الوصول للقصر . (للجميع) لا بد من
القبض عليه .

الكاهن الثاني : وماذا نفعل به عندما نجده؟

(وقفه)

الكاهن الأعظم : اقتلوه !

(وقفه)

قلت لكم الخطأ غير مسموح به ، خطأ واحد يعنى
موتنا جميعاً

(يهرع الكاهنان الأول والثاني إلى الخارج)

(صمت)

(إلى توتو) سيحاول هذا الشاب الوصول إلى
القصر، لذا من الأفضل أن تكون في انتظاره هناك!
(يخرج توتو)
(إلى الكاهن الثالث) أما أنا فسأذهب لأرى حور
محب.

الكاهن الثالث : نحن الآن في منتصف الليل يا سيدى!
الكاهن الأعظم : حور محب صديق قديم، وأعرف جيدا كيف ألاعبه.
الكاهن الثالث : هل أذهب معك؟
الكاهن الأعظم : لا . ابق هنا .
(يغطي نفسه تماما بالعباءة) تراقب كل شيء (وهو
يغادر) لا نوم لنا حتى نقضى على هذا الكافر!

إسلام

المشهد الرابع

(توتو وحده فى أحد غرف القصر، يذرع المكان جيئة
وذهابا فى قلق وتوتر بالغين)
(يدخل الحارس مندفعاً)

الحارس : قبضنا عليه يا سيدى .

توتو : مين اللى قبضتم عليه؟

الحارس : الشاب كان يبحوم حوالين القصر . عاوز يقابل الأمير !

توتو : ما تكلمش عن حاجة؟ أقصد قال عاوز يقابله ليه؟

الحارس : لا هو مصمم إن الأمير يسمع بنفسه .

توتو : هاته .

(يندفع الحارس خارجاً)

(لنفسه) عاوز يقابل الأمير !

(وقفة)

(يدخل الحارس دافعا الشاب أمامه)

توتو : (إلى الشاب) إنت عاوز تقابل الأمير؟

الشاب : أيوه

توتو : عشان إيه؟

الشاب : مسألة حياة أو موت .

توتو : (يخطو في اتجاهه) بجد؟ فيه إيه؟

الشاب : الأمير لا بد يسمعها بنفسه .

(وقفة)

توتو : (فى لهجة حادة غاضبة) إنت تعرفنى ؟

الشاب : لا يا سيدى .

توتو : أنا رئيس الأمن ، تعرف ده معناه إيه؟ معناه إنه إذا كانت

المسألة حياة أو موت فأنا أول من يعرف . إنت فاهم الكلام

ده؟

الشاب : فاهم يا سيدى ، بس آسف ، أنا هقول اللى عندى للأمير .

(صمت)

توتو : إنت مش فاهم حاجة ، (وقفه) اسمعنى كويس .
 إنت فاكرا إن إحنا مانعرفش اللي عندك ؟ عارفينه طبعا ،
 (وقفه - متأملا تأثير كلماته على وجه الشاب) كل المصريين
 بيعحبوا الأمير ، لكن كل واحد فى الدنيا له أعداء ، وفيه قلة
 حاقدة مجنونة ممكن تتآمر على أميرنا المحبوب . . . (ناظرا
 فى عينيه بحدة) إحنا عارفين كل حاجة .
الشاب : (مرتبكا) لكن فيه موضوع تانى خطير .
توتو : (بسرعة) إيه ؟
الشاب : (يتردد ناظرا إلى الحارس) مقدرش و . . . يعنى . . .

(يتوقف)

توتو : (يشير إلى الحارس فيخرج) تقدر تتكلم دلوقتى .
الشاب : (يقترب كثيرا منه هامسا) أنا سمعت إن المتآمرين لهم الراجل
 بتاعهم فى القصر ، ما قالوش اسمه لكن بيقولوا هو قريب
 قوى من الأمير وإنه . . .
توتو : (فى صوت مسرحى عنيف) إنت مجنون ؟!
 عاوز تقول ليّه أنا مغفل معرفش حاجة عن اللي بيحرا حواليا
 هنا فى القصر ؟!
 (صارخا) حرس . . . حرس !
 (يندفع حارسان إلى المسرح)
 (إلى الشاب) إزاي تحرؤ وتتهم واحد من رجالتى بالخيانة ؟

رجالتي كلهم يفدوا الأمير والوطن بروحهم !
إزاي يجرؤ لسانك ويقول الكلام ده؟!
لسانك لا بد إن يُعاقب اقطعوا لسانه!
(يتحرك الحارسان بسرعة في اتجاه الشاب الذي تصيبه
الصدمة بفزع شديد، فيحاول المقاومة، لكن الحارسين
يتمكنان في النهاية من قطع لسانه وتصدر عن الشاب صرخة
ألم ورعب طويلة)

إظلام

المشهد الخامس

(منزل حور محب . نفس الغرفة ، بعد منتصف الليل ، تقف زيمات عند النافذة ، وفى يدها كأس تحتسى منه الخمر ، بينما يجلس حور محب على الأريكة ويبدو مهموما حانقا)

حور محب : (متهكما) السلام والحب؟! ... الجمال والصدق؟! ... سلام ... حب ... (فى صوت عال إلى زيمات) جده العظيم أمنحوتب الثانى مرة قبض على سبع حكام من الولايات المتمردة اللى فى الشام دبحهم كلهم وحط ستة منهم على مركب للناس تتفرج عليهم من الشام لغاية طيبة ، السابع

علقه على شجرة النوبة علشان يردع كل المتمردين ،
هو ده اللي عمل الإمبراطورية المصرية ، وهو ده اللي
أبقى عليها عظيمة وكبيرة !

(وقفة)

دلوقتى إختاتون مفيش على لسانه غير السلام
والحب ، كنت فاكرك هيبتردى زى جدوده ويلقن
المتمردين إزاي يتعاملوا معنا ، أنا قلت له لا بد نبعت
قواتنا فى الحال !

زيات : (تلفتت إليه فى حدة) اصح يا حور محب ، الأمير

عمره ما بيعت قوات ، اصح !

حور محب : قصدك إيه ؟ !

زيات : مش هيبعت قوات ولا هيسمح لك تقود قوات أبداً !

حور محب : (مصدوما) ليه ؟

زيات : حور محب . . . جوزى . . . المحارب العظيم طفل

برىء !

حور محب : (غاضبا) ليه ؟ فيه إيه ؟

(وقفة)

زيمات

: أميرك سيتوج غدا، سيصبح فرعون مصر العظيم،
لكنه يعرف إنك بطل فى قلوب وعقول المصريين،
إرسال قوات تقودها إنت هيعلى صورتك فى عيون
المصريين، عشان كده عمره ما هييعت قوات، وعمره
ما هيقول لك ليه ومش هتاخذ منه إلا كلامه الفارغ
عن السلام والحب!

حور محب

: (يقف) لا. لا. إختاتون مش كده. إنت ما
تعرفيهوش.

زيمات

: عارفاه... ضعيف خبيث، وكلامه عن السلام
والحب مجرد كلام بيدارى بيه ضعفه وغيرته منك!

حور محب

: (لا يريد أن يصدق، يتحرك ناحيتها) إنت مش فاهماه
هو طول عمره كده دايمًا بيتكلم عن السلام والحب.
(لا يجد نفسه قادرا على قولها) ومش ممكن يكون
بيغير منى!

زيمات

: (فى إصرار) لا بيجير منك!

حور محب

: لا. لا. مش ممكن. (مبتعدة عنها) إنت ما
تعرفيهوش.

زيمات

: فوق يا حور محب، اصح قبل ما يضيع كل شىء.
: (يعود إليها، فى ضيق وعصبية) قلت لك إنت
ماتعرفيهوش. (ياخذ منها الكأس) إنت شربتي كثير.
(يضع الكأس على الطاولة ويبدو مهموما وروحه

مضطربة) أنا تعبـان . (يطفى كل الشموع ما عدا
واحدة ويتحرك ناحية الباب) عاوز أنام .

(تسمع دقات على الباب)

(ملتفتا) فيه إيه يا ناى؟

(تدخل الخادمة)

: فيه واحد عاوز يقابلك يا سيدى .

ناى

: فى ساعة متأخرة زى دى ، مين هو؟!

حور محب

: مش عاوز يقول يا سيدى ، بيقول إنه صديق !

ناى

: (فى دهشة) صديق !

حور محب

(وقفة)

(إلى زيمات) ادخلي جوه دلوقتى . (إلى الخادمة)

دخليه .

(يدخل الكاهن الأعظم ، يخلع عباءته ، ويقف عند

الباب)

حور محب : (يتحرك ناحيته مندهشا) سيدى الكاهن الأعظم !

(ينحنى ويقبل يده) ظننت إنكم فى طيبة !

الكاهن الأعظم : تركت طيبة منذ أيام قليلة ، كان لا بد من ذلك ، لا

أحد يعرف أنى هنا . (وقفة - فى تهكم) تعرف أننى

لست مدعوا !

حور محب : هذا أمر يؤسف له يا سيدى ، ولا أستطيع أن أفعل شيئا ، ولا يعنى ذلك أننى ناكرا للجميل ، فأنا لم أنس أبدا ما فعلته من أجلى ، اخترتنى من دون الجميع لتخصنى برعايتك من البداية ، (فى خجل) لكن صدقنى يا سيدى . . .

الكاهن الأعظم : (فى جلال ووقار) أعرف يا بنى أن القلب الشجاع النبيل لا ينسى الأفضال ، وأن صاحب الطبيعة الحسيسة وحده هو الذى يخجل من ذكر هذه الأفضال ويحاول نسيانها ، ولا أعتقد أننى ظننت ولو للحظة أنك قد نسيت الأيام القديمة .

حور محب : (ما زال فى خجل) بالطبع يا سيدى .
الكاهن الأعظم : جئت هنا متخفيا لا لكى أطلب منك خدمة .

(وقفة)

(يخطو ناحيته) جئت هنا لكى أشكرك .

حور محب : (أكثر خجلا) تشكرنى! على ماذا؟!
الكاهن الأعظم : الناس يتكلمون عنك وكيف واجهت الأمير فى شجاعة طالبا منه إرسال قوات لنجدة إخواننا فى الشام ، يتحدثون عن عزمك ألا تحضر حفل التتويج ، لأنك غير راض عما فعله بنا والقرارات التى يعتزم إعلانها غدا .

حور محب : (مرتبكا) طبعاً أنا طلبت منه إرسال القوات لكن ،

بأمانة... أنا لا أعرف شيئا عن مسألة عدم حضوري
حفل التتويج !

الكاهن الأعظم : ربما يريد منك الناس ألا تحضر ، فأنت أصبحت
بطلهم ، ويتوقعون منك أن تفعل ما لا يستطيعون ،
وهذا ما يمثله البطل للناس !

حور محب : (مبتعدا عنه) سيدى... لا أعرف كيف أقول لك
... (يتردد) سيدى... (يتردد) أنا لست هذا
الشخص المتدين الذى...

الكاهن الأعظم : (مقاطعا) لكنك رجل الوفاء والانتماء ، وهذا ما يحبه
المصريون فيك ، يحبون فيك القلب الشجاع النبيل
الذى لا يقبل إلا الإخلاص لأصدقائك القدامى .

(وقفه)

اسمع يا بنى ، لقد دمرت معابدنا ، ونهبت ثرواتنا ،
ولكننى لست هنا للشكوى ، فنحن لم نهزم بعد ،
وبعون الآلهة لن نهزم ، أنا هنا يا بنى لأننى كما كنت
دائما وما زلت مهتم بنجاحك فى عملك .

حور محب : لا أفهم .

الكاهن الأعظم : عدم حضورك التتويج قد لا يكون له أهمية أو قد
يكون له بعض الأهمية بالنسبة للأمير ، لكنه يعنى
الكثير بالنسبة للناس .

حور محب : كيف؟

الكاهن الأعظم : لأنك بطلهم الشجاع الرزين . (وقفه ، يخطو ناحيته ، يتوقف ناظرا فى عينيه) لا يجب أن يكون مرتبة قائد الجيوش هى نهاية مطاف طموح بطل الشعب . عدم حضورك التتويج لا يعنى شيئا ، لكنه بالتأكيد خطوة حاسمة بالنسبة لمستقبلك ! (يتحرك فى اتجاه الباب) لا بد أن أذهب الآن (واقفا عند الباب) تذكر أننى جئت لك هنا كصديق قديم ، كان دائما مخلصا صادقا معك ، (وهو يرتدى العباءة مخفيا وجهه) تصبح على خير .

(يخرج)

حور محب : (فى دهشة - لنفسه) خطوة حاسمة بالنسبة لمستقبلى !

(تعود زيمات)

(إليها) طبعا سمعتى كل شىء !

(وقفه)

زيمات : هتعمل إيه ؟

حور محب : مش عارف .

زيمات : (فى سرعة) ليه؟ طبعاً ماتر حش التتويج .

(وقفه)

حور محب : وهتقولى إيه لـ . . . ؟
زيمات : (مقاطعة) قول إني عيانة وموت وماقدرتش تسيبنى !
حور محب : (مرتبكاً ومهموماً يذرع الغرفة جيئةً وذهاباً)
لا . لا .
زيمات : (ذاهبةً إليه) حبيبى حور محب ، البلد بتغلى دلوقتى ،
ومش عارفين أنهى جانب اللى هيكسب ، وعدم
مرواحك نصاحه ، وبعدين إيه يعنى لو مرحتش ، ولا
حاجة ، لا شىء !
(تتبعه ، وتضع يديها على كتفيه فى دلال) ولا حاجة
يا حور محب .
حور محب : إخناتون صديقى .
زيمات : صديقك عمره ما هيخليك تقود الجيوش يا حبيبى ،
لكن إنت هتكون دايماً بطل فى عينين الشعب ، ودايماً
هيحبوك طالما الجيش وراك ، عشان كده هو غيران
منك وعاوز يقضى على مستقبلك . . . (تقبل رأسه
من الخلف) اللى هيتقذ مصر من اللى بتواجهه دلوقتى
إنت ، أبوه إنت يا حور محب .

(وقفه)

شكلك . . . ملامحك كلها ملامح ملك يا حبيبي !
(يلتفت إليها وعلى وجهه تعبير غريب ، مزيج بين
الإثارة المكتومة والقلق)
أيوه يا حور محب ، كل ما فيك بيقول إنك هتكون
فرعون مصر !

إسلام

المشهد السادس

(قصر إخناتون، نفس الغرفة، الملكة الأم جالسة على الأريكة ويبدو عليها القلق العميق، تدخل نفرتيتي والسرور بادي عليها)

نفرتيتي : (تلاحظ الملكة الأم) صباح الخير أمي الملكة، إحنا لابسين ومستعدين وإننت متأخرة كده !

تاي : حاسة إنني مش كويسة .

نفرتيتي : (متجهة ناحيتها) خير يا أمي؟

تاي : ماغتشش كويس (لنفسها تقريبا) أحلام وحشة!

نفرتيتي : أبويا كان دائماً يقول أحلامنا هي مخاوفنا ورغباتنا !

تاي : صح، بعض الأحلام رؤى بتقول اللي هيحصل .

(وقفة)

نفرتيتى : النهاردة تتويج إخناتون، ده عيد ولا بد نكون فرحانين يا أمى . . .

(يدخل إخناتون تبدو عليه السعادة والثقة)

إخناتون : (يقبل أمه) صباح الخير يا أمى . (ملتفتا إلى نفرتيتى) كل شىء جاهز؟ هنتحرك حالا.

تاى : (ناظرة إلى ملابسه فى دهشة) هتروح التويج بالهدوم دى؟! **إخناتون :** (مبتسما فى هدوء) أيوه يا أمى .

تاى : الناس هتشوف الملك فرعون مصر لأول مرة فى الهدوم دى؟ **إخناتون :** مفيهاش حاجة يا أمى، خللى الناس تشوف ملك مصر فى هدوم بسيطة، وعایش حياة بسيطة، خليلهم يعرفوا إني مجرد إنسان زيهم، وإن كل الناس سواسية .

تاى : (فى حدة) لا . إنت مش زيهم، إنت الملك، فرعون مصر العظيم، لا بد تتزين وتلبس اللي يشير فى الناس الإجلال والرهبة و . . .

إخناتون : (ما زال مبتسما) مش أنا يا أمى . . . مش أنا .

تاى : أنا أعرف الناس، عقولهم بسيطة وساذجة . . . عشان خاطرى يا بنى . . . البس لبس يليق بيك . . . إنت مش زى الناس، إنت حاجة تانية . . . (تصرخ تقريبا) إنت الملك . . . الفرعون العظيم . . .

إخناتون : إله مش إنسان، مش ده اللي عاوزه تقولييه! لا يا أمى، أنا مش إله، أنا إنسان بسيط ضعيف والعظمة لله، الواحد الذى لا إله إلا هو . . .

تای : (تنهض مقاطعة فى غضب) أنا تعبت . (تتحرك فى اتجاه الباب) عاوزه أرتاح .

نفرتيتى : (تتبعها فى إلحاح) أمى . . . هتحضرى حفل التتويج؟

تای : (تلتفت ، فى يأس) مظنش هاقدر !

(تخرج)

نفرتيتى : (تعود محاولة الابتسام) النهارده يوم الفرح (تلحظ أمارات الحزن على وجهه) (وقفه)

(متجهة ناحيته) الملكة تعبانة دلوقتى و . . .

(يدخل ماهو)

ماهو : يقول خادمه إن زوجة القائد مريضة للغاية .

(ينحنى ويخرج) (صمت)

نفرتيتى : (لنفسها) لا ، مش مريضة ، دى كدبة ، أنا عارفك كويس يا

زيمات . (تتحول إليه وترى على وجهه ملامح القلق والحزن

تتزايد) لا . لا . يا إختاتون ، مش عاوزاك تكون حزين ، ده

أول يوم شعبك يشوفك (تحضنه) لا ، لا بد يشوفك متفائل

وسعيد .

إختاتون : (يتحرك فى هدوء ناحية منتصف المسرح)

غريبة !

نفرتيتى : إيه؟

إختاتون : (وقفه) أنا كنت عارف !

نفرتيتى : (تتبعه) عارف إيه؟
 إخناتون : كنت عارف إن أمى و حور محب مش هيبجوا التتويج .
 نفرتيتى : عرفت إزاي ؟
 إخناتون : (فى حيرة) الحلم !
 نفرتيتى : حلم إيه؟
 (من على البعد تأتى موسيقى توحى بالوحدة والخوف ،
 وانبعث الأمل)
 إخناتون : رؤيا غريبة شفتها بعد الفجر !

(وقفة)

نفرتيتى : (فى قلق واهتمام) شفت إيه يا إخناتون؟
 إخناتون : شفت كإنى فى سفر . . . طريق طويل ، وكنت عاوز أمى
 و حور محب معايا . . . ناديتهم ، وبصيت حواليه . . .
 مالمقتهمش . . . ناديتهم . . . محدش جاوبنى . . . وكان
 لا بد أسافر . . . طريق طويل فى ليل كأنه سجن . . .
 ناديت ربى . . . بعدها شفت نفسى فى مفترق طرق ومش
 عارف أنهى طريق أمشى ! ناديت ربى تانى . . . وتالت ورابع
 . . .
 (تأتى أصوات التراتيل من على البعد) وبعدين فجأة شفت
 أنوار وسمعت تسابيح حلوة جاية من واحد من الطرق . . .

(تكتسب ملامح وجهه غموض محير) . . . مشيت
للنور وشفّت ثلاث وجوه جميلة لثلاث شبان يرحبوا
بى . . . قالوا إنهم ولادى!

نفرتي : ولادك ؟!

إخنا تون : أيوه ولادى . (وقفه) ماتكلموش لغتنا بس أنا فهمت كل
كلمة قالوها . وكل الكلام اللى قاله أتباعهم اللى خدوني
ليهم ، أيوه . . . أتباعهم خلق كثير كثير ملهاش عدد
بتسبح ووجوها للسما منتظرة تشوفه !

نفرتي : تشوف مين ؟

إخنا تون : (لا يسمعها لاستغراقه فى الحلم) بعدين النور ملا الدنيا ،
مقدرتش أبص لفوق . . . النور غطى الأرض والسما
اختفينا كلنا فى النور . . . أيوه اختفى الخلق فى النور
أصبحنا كلنا هو . . . وسمعت النور يبسبح باسمه . . .
سمعت يبسبح باسمه . . . الله

(يتوقف)

(تختفى التراتيل تدريجيا) (صمت)

نفرتي : الحمد لله النهاية خير !

إخنا تون : (ملتفتا إليها) سمعتك بتنادينى وبتبكي !

نفرتي : (منزعجة) فى الحلم ؟!

إخنا تون : أيوه لكن مقدرتش أرد عليكى كأن إنتى فى عالم وأنا فى

عالم تانى ! (وقفه) (محاولا أن يرفع من روحها) لما صحيت
كنت سعيد !
(يدخل توتو)

توتو : (ينحنى) العرض يبدأ الآن يا مولاي . والمركبة جاهزة .
إخنا تون : مفيش داعى للمركبة ، (وقفه) قل لميرورا هنروح سوا .
توتو : (ينحنى ثانية) أمر مولاي . (يدخل بيك ومعه تمثال صغير
مغطى)

بيك : (إلى نفرتيتى وهو يكشف عن تمثال لوجه نفرتيتى) ده من
إبداع مولاي ليكى يا سيدتى . . . وجه مولاتى نفرتيتى .
نفرتيتى : حلو قوى يا إخنا تون ! إمتى عملته؟
(تنظر ثانية إلى التمثال وتخطو ناحية إخنا تون وتمسك يده فى
حب)

لا يا إخنا تون أنا مش حلوة قوى كدة!
بيك : (وقفه ، إلى إخنا تون) فيه حاجة لا بد أبلغها لمولاي . . .
(يتوقف)

إخنا تون : خير .
بيك : صورك يا مولاي شو هوها فى كل مكان حطيناها فيه !
نفرتيتى : (فى غضب لتوتو) إزاي؟ ومين يجروء يعمل كده؟!

(وقفه)

توتو : (ينحنى فى هدوء) مظنش يا مولاتى إن ده مقصود .

إخناتون : الكهنة وأتباعهم وراء كل الكلام ده .
توتو : سنحقق فى ذلك يا مولاي لكن المدينة كلها آمنة كما سترى يا
مولاي ، والناس الآن منتظرة عشان تشوف ملكها
المحبيب . . .

(وقفه)

إذن نتوكل على الله .

إظلام

المشهد السابع

(الساحة أمام المعبد، الجمهور ينتظر ظهور إخناتون،
وتسمع أصوات الموسيقى والطبول... ينتشر
الكهنة وأتباعهم بين الجمهور يترقبون في قلق شديد
مجيء إخناتون).

(أعلى المسرح يدخل رجلان ويتوجهان إلى
الجمهور).

- | | |
|--|---------|
| : ده غضب الآلهة. | الرجل ١ |
| : عشان المعابد اللي هدمناها. | الرجل ٢ |
| : عمرنا ما شقنا فيضان زى ده، المطر والرعد والبرق | الرجل ١ |
| موقفوش طول ليلة إمبارح ! | |

- الرجل ٢ : فعلا ده غضب الآلهة . . . دى نهاية العالم !
- الرجل ١ : (ناظرا حواليه) هس !
- الرجل ٢ : (فى استهتار وتحريض) معادش فيه سكوت ، هيعملوا فينا أكثر من كده إيه؟ الناس نفسيتها فى الأرض ، أكيد دى لعنة الآلهة ، (فى تهكم) سمعت إنه هيعلن الدين الجديد دلوقتى !
- (فى صوت عال حتى يسمعه الآخرون) مفيش فرعون حقيقى يسب دين أبوه !
- (الجمهور حول الرجلين يهمهم)
- (فى سخرية) الإله الجديد مبنشفوش ، عشان مالهش شكل ولا صورة ! بس الحقيقة بيحبنا ، ومبيغضبش أبدا ولا بيغير من الآلهة الثانية ، والدليل إن الكاهن الأعظم اتقتل بأوامر من إخناتون ، علشان إله الحب والسلام بتاعه ينسبط .
- (تتزايد همهمة الجمهور فى فزع وعصبية)

(وقفة)

- الرجل ٣ : (إلى جاره) إنت سمعت؟ !
- الرجل ٤ : هس الجواسيس فى كل مكان !
- (يدخل إخناتون ، ونفرتيتى ، وتوتو وميرورا ، يتبعهم حارس يحمل التاج ، والحراس الثلاثة ترتفع

الصبيحات بينما يتحرك الثلاثة حراس فى حرص

ليحيطوا بإخناتون فى دائرة)

: (هامسا) آمال فى فرعون

الرجل ٤

: اللى بين الحراس .

الرجل ٣

: (فى دهشة) هو لابس كده ليه؟ لا . لا . إنت متأكد

الرجل ٤

إن ده فرعون؟!

: هس.....

الرجل ٣

: (ناظرا إلى بعض الوجوه فى الصف الأول، يلتفت

إخناتون

إلى نفرىتى) الوجوه دى غريبة مبجهاش، وشتها

قبل كده!

: فى؟

نفرىتى

: فى الحلم!

إخناتون

: (إلى إخناتون) هل نبدأ يا مولاي؟

توتو

(إخناتون يومئ إلى ميرورا)

: (يخطو إلى الأمام ويلتفت ليواجه الجمهور، فى

ميرورا

صوت عال للناس) نحتفل اليوم بتتويج ملكنا

المحبوب، إنه حقا ليوم عظيم فى تاريخ مصر، يوم

تستحقه مصر والمصريون لأنهم أعطوا العالم المعرفة

والحكمة، إنهم الذين أقاموا الحضارة التى تقود

العالم اليوم. اليوم يعلن ملكنا المحبوب إخناتون

بنفسه القوانين والأوامر التى تكرم ووافق عليها،

هذه القواعد والأوامر تعتبر بحق خطوة هامة فى

حضارة الإنسان ، خطوة ستضع نهاية للظلم وتحقق العدل والسلام والحب ، خطوة ستجعل من كل الناس إخوة ، وليس آلهة وعبيداً ، لكنها أيضاً خطوة ستجعل الناس - كل الناس - عبيداً لإله واحد ، وهو الله سبحانه وتعالى .

(وقفة ، تسمع همهمة الناس)

لأجل هذا اختار ملكنا المحبوب أن يكون تنويجه بكم وبينكم أيها الشعب ، وعلى بركة الله الواحد القادر .

(وقفة - يومئ إلى الحارس الذي يحمل التاج) ونبدأ أولاً بالتنويع . (ينحنى إلى إخناتون الذي يخطو إلى منتصف المسرح)

: (يقف صارخاً من بين الجمهور) إنت بتتكلم عن الحب والسلام ، وأنا أخويا عذبوه وضربوه لغاية ما مات فى إيدين رجاله إخناتون !

: (إلى الرجل) مش ممكن يحصل . لا !

: (فى تصميم) حصل . عساكر ربطوه عرياناً على عمود وقعدوا يضربوه لغاية ما انتهى ، (ناظراً إلى رفاقه الآخرين فى نظرة ذات معنى) حصل وأخويا مش أول واحد يتعذب لغاية ما يموت ، فيه كتير زيه !

: (يقفون فى صوت واحد) حصل ، أيوه حصل .

: (فى هدوء إلى إخناتون) سوف نحقق فى هذا يا مولاي .

الرجل ١

إخناتون

الرجل ١

آخرون

توتو

(للآخرين بصوت عال) هاتوا أسماء اللي انضربوا
واتعذبوا للغاية لما ماتوا، اتفضلوا، تعالوا هنا .
(يتحرك الكهنة الثلاثة وأتباعهم فى شكل منظم
ناحية المسرح بينما يضيق الحراس الثلاثة الخناق حول
إخناتون)

ميرورا : (يرى الكهنة وأتباعهم يقتربون من المسرح فيخطو
إلى الأمام ليواجههم) مكانك إنت وهو !
(يقتربون أكثر) أنا قلت مكانك . . . مكانك إنت
وهو . . . (يطعنه من الخلف واحد من الحراس
الثلاثة فيسقط)

إخناتون : (صارخا فى عنف) ميرورا !

(يتحول إلى الحارس لكن الحارسين الآخرين يمسكان
به فى عنف ليجبراه على الخروج معهما)
إخناتون : (مصدوما) فيه إيه؟ بتعمل إيه إنت وهو؟ !

(يدفعه بقسوة الحارسان للخروج) سيونى . . .
شيل إيدك (يحاول بلا جدوى أن يتحرر منهما -
صارخا) سيونى !

نفرتيتى : (مصدومة تحاول الوصول إلى إخناتون، لكن

الحراس يمنعونها، فى جنون يائس) سيوه !
(تحاول الوصول إليه فيدفعونها إلى الخلف . تسقط
على ركبتيها وهى ترى إخناتون يؤخذ إلى الخارج،
صارخة) لا . لا . مش ممكن، مش ممكن تعملوا فيه
كده يا جبنا ! مش ممكن !

لا . لا . لا !

الكاهن الثانى : (ناظرا إلى جسد ميرورا على الأرض والجمهور الذى يهرب فرعا، إلى الكاهن الثالث) الناس مرعوبة بتهرب !

الكاهن الأعظم : (يخلع عباءته التى كان متخفيا فيها مندسا بين الناس)

محدث يهرب ، ماتخافوش ، ماتخافوش !
(ما زال الجمهور يهرب فرعا) ليه . . . ليه ؟ !
(إلى الكاهنين والأتباع) قولوا لهم محدش يخاف .
(يتجه إلى منتصف المسرح ، ويواجه الجمهور) قولوا لهم فعلنا هذا لنحميكم . فعلنا هذا من أجلكم ، من أجل أن تعيشوا فى أمن وسلام . فعلنا هذا من أجل آلاف السنين من الحضارة والتقدم . فعلنا هذا أجلكم ومن أجل آلهتكم . . . نعم فعلنا هذا من أجلكم ومن أجل آلهتكم !

إسلام

المشهد الثامن

(كهف فى الجبل، يسود الظلام المسرح، غير أنه
يمكن رؤية إخناتون مقيدا بالحبال إلى صخرة أسفل
يمين المسرح . . . أعلى يمين المسرح يرقد الشاب فاقداً
الوعى فى حالة بائسة يرثى لها . . .

أسفل يسار المسرح الكاهن الأعظم مفكرا، بينما
يقف حوله الكهنة الثلاثة فى توتر بالغ ينظرون إلى
إخناتون الذى يبدو مرهقا مصدوما . . . تأتى من
على البعد موسيقى الحلم ومعها أصداء صرخات
ونحيب نفرتيتى . . .)

الكاهن الأعظم : (يلتفت متطلعا إلى حيث تأتى الصرخات والنحيب)
ما هذا؟

الكاهن الأول : نفرتيتى تجوب الشوارع تبحث عنه .

(وقفة)

الكاهن الثالث : (ينظر أعلى المسرح فشاهد ألسنة النار والدخان)
المدينة تحترق! الوقت ليس فى صالحنا يا مولانا .

(وقفة)

الكاهن الأعظم : (يتجه ناحية إخناتون ، ويقف أمامه ، ينحنى فى
لهجة مسرحية) أقدم اعتذارى لمولاي لأننى لم أتمكن
من حضور حفل تتويجكم ، كنت أود الحضور لكنكم
لم تدعوني ، كان حفلا عظيما ، يا خسارة لم أراه!
إخناتون : (ينهض فى ببطء ليقف على قدميه ، فى تصميم
وإرادة قوية) مش هتفلت من العقاب على اللي
عملته ده .

الكاهن الأعظم : (كأنه لم يسمعه) كان حفلا عظيما ، لكن بأمانة لم
يعجبني ؛ لأنه لم يكن حقيقى وشرعى ، وأنا أحب
الحق . الش ع ، كنانة دتته يحك ف معاندنا مع

يا مولاي ! لماذا؟ لماذا؟

إخناثون : (صارخاً) إنت أعمى، مفيش آلهة، خالق الكون
واحد هو الله! ...

الكاهن الأعظم : (مقاطعاً فى حدة) ما زلت تحلم! (يتوقف، يذرع

المكان جيئة وذهاباً، ثم يتوقف، ملتفتاً إليه) هناك
آلهة وستظل هذه الآلهة موجودة دائماً وأبداً.

أمون، رع سبت، سوتبخ، بال، إشتار، جدودك
وجدود جدودك الفراعنة العظام كانوا آلهة،

وسيكون هناك دائماً فراعنة. (متجهاً إليه) هل تعرف

لماذا؟ لأن الناس يحتاجون فراعنة، هذا هو العقد

والاتفاق منذ بداية الحياة، ولن يستطيع أحد تغيير
ذلك ! الآلهة هم الشرعية والقوة التى تقدم الأمن

والحماية لكل المواطنين .

إخناثون : مواطنين؟ تقصد العبيد، إنتم بتخلقوا آلهة عشان

تستعبدوا الناس، وعلشان تبرروا الظلم والفساد،
الناس خلقها ربنا حرة يا ربيتا، الناس ...

الكاهن الأعظم : الناس؟! أين هؤلاء الناس الذين تتحدث عنهم؟

ماذا فعلوا من أجلك لقد هربوا من مدينتك وتركوك

وحيداً، لقد هربوا جميعاً... (ناظراً إلى الشاب،

فى سخرية) ما عدا هذا الشاب الأحمق !

(وقفه)

إخناثون

: وأين إلهك الواحد، أين هو؟ لماذا تركك وحيدا؟

لا. ربى لم يتركنى، أنا رسوله ومش هيتخلى
عنى... (ينتفض جسمه وهو يصرخ كلماته كأنها
رفيقه الذى لم يتركه بعد) لم يتركنى ربى أبدا، لا،
أنا مش لوحدى، أيوه... أنا مش لوحدى!...
هو معايا!

(تسمع الآن وبوضوح تراتيل وتساييح الحلم الذى
يعيشه إخناثون فى استغراق كامل)

الكاهن الأعظم

: (فى هدوء) نحن الآن فى مفترق طرق، أمامك
طريقين: طريقك، ولقد وصلنا كما ترى إلى نهايته،
و طريقنا... و طريقنا ما زال أمامك مفتوحا،
لا زلت تستطيع أن تكون فرعون مصر العظيم،
سنذهب إلى طيبة ونتوجك فى معابدها وستقول
للناس إن اللى ظهر فى هذه المدينة لم يكن أنت...
لم يكن الفرعون الحقيقى...

(وقفة)

ماذا تقول؟

إخناثون

: لا مش محتاج أكاذيبك!

الكاهن الأعظم

: بمناسبة الأكاذيب، كانت هناك ملكة عظيمة، لكنها

للأسف عاقر، وتمنت أن يكون لها ولد للعرش
ساعدناها وصنعنا معها كذبة!

إخناتون : إنت بتتكلم عن إيه؟
الكاهن الأعظم : عن الأكاذيب، عنك!
إخناتون : أنا إخناتون، أمير...
الكاهن الأعظم : نعم أنت إخناتون وأمير (يقترب منه ناظرًا في عينيه
في تحد) ولكنك لست ابن الفرعون العظيم
أمنحوتب.

إخناتون : (يحاول التمسك لكن روحه تنهار) كذاب فاسد!
الكاهن الأعظم : (مقاطعًا) لا. لست كاذبًا، الملكة تاي تعرف
الحقيقة. (يرى تأثير كلماته على وجه إخناتون)
لست كاذبًا، أعط نفسك الوقت وانظر في ما أعرضه
عليك، أنا أعرض عليك الكثير، وأنت لا تملك
شيئًا... نعم لا تملك شيئًا... يا مولاي! لقد
انتهى الحلم... إصح يا مولاي! (يعود إلى حيث
ينظر الكهنة الثلاثة في توتر)

الكاهن الثالث : (هامسًا إلى الكاهن الأعظم في نفاذ صبر) ليس لدينا
خيار يا سيدى، سوف نموت جميعًا ونفقد كل شيء
إذا تركناه يعيش!

الكاهن الثانى : نعم سيدى الكاهن الأعظم ليس لدينا خيار!

(وقفة)

الكاهن الأعظم : (ناظرا إلى إخناتون فى ابتسامه وثقة) إنه يحتاج إلى بعض الوقت ، لكنه فى النهاية سيقبل ما نعرضه عليه .

(خارجا يتبعه الكهنة الثلاثة) فى الصباح يكون كل شئ على ما يرام .

(صمت)

(تصدر عن الشاب أنات ألم)
: (مصدوما تتصارع فى عقله الذكريات ، لنفسه) أمى الملكة عارفة .. أمى الملكة .. لا .. هى مش أمى .. ولا هو أبويا! (وقفه) أمال أنا أبقى مين ؟ مين أنا .. حلم ؟! أيوه حلم .. حلم انتهى ما عادش فيه غير الهوان والذل ! لا . لا . لا ! ربي .. يارب .. إنت فين ؟

إخناتون

(وقفة)

أنا وحدى مغلوب على أمرى ومعادش فيه غير الهوان ! أنا وحدى يارب ؟! مفيش معايا حد ! إنت فين يارب ؟! موجود .. أيوه .. أيوه .. إنت

موجود . . . موجود يا رب خد بيدي . . . خد
بيدي وساعدني يا رب! . . . يمكن صحيح أنا مش
ابنهم، بس أنا حلمي حقيقي وانت عارف يا رب،
لأن إنت الحق (صارخا) يا رب!
(يعلو أنين الشاب بعد أن استعاد وعيه!)
(إلى الشاب ملتفتا إليه) أنا آسف!
(يقف الشاب مفزوعا ويخرج من بين طيات ملابسه
خنجرا)

آسف على اللي عملوه فيك . . . آسف . . .
ماكنتش أقصد . ماكنتش أعرف إن الحلم هينتهى
كده . . . أنا ماكنتش عاوز أبني هرم لنفسى . أنا كنت
عاوز أخللي كل مصرى يبقى هو نفسه هرم . . . كنت
عاوز أحرر المصريين من أنفسهم، كنت عاوزهم
يؤمنوا بالله الواحد، لأن عمرهم ما ه يخافوا من
بعض ولا يستعبدوا بعض لو آمنوا وخافوا رب واحد
قادر بس للأسف ما يعرفوش مع إنها بسيطة مش
محتاجة نبى عشان يفهمها! . . . (وقفة) (ناظرا إلى
الشاب فى رثاء حزين) أنا آسف . . . سامحنى .

(يخطو الشاب إلى إختاتون، يركع مقبلا يديه باكيا)
ماتعيطش ولادى جاين، أنا شايفهم جاين! . . .
جاين!

(يحول وجهه إلى ناحية التساييح التى تأتى من على
البعد)

جايين . . . المؤمنين جايين . . . حلمنا هيبقى
 حقيقة . . . جايين ما تعيطش (محاولا أن يتحكم فى
 دموعه هو الآخر) إحنا مش لوحدنا . . .
 (مستخدما الإشارات ، يقول الشاب : إنه مستعد
 للدفاع عن إختاتون والذود عنه مستخدما خنجره)
 إنت عاوز تدافع عنى ؟
 (يومئ الشاب بنعم) (صمت)
 (كمن قرر شيئاً ، محاولا أن يستجمع شجاعته)
 أيوه . . . ممكن تدافع عنى ، الخنجر الللى فى إيدك ده
 ممكن يحمى حلمنا من الهوان . . . أيوه . . .
 (يرتعد الشاب من الفكرة ، فيجربى إلى الزاوية دافنا
 رأسه بين يديه ، يبكى ويهز رأسه رافضاً) (صمت)
 إنت مؤمن ؟
 (يومئ الشاب بنعم)
 المؤمن ماببخافش الموت ، المؤمن ما يببخافش حاجة
 ولا يرضى الهوان لنفسه أو لدينه . . . إنت سامعنى ؟
 (فى عصبية بالغة يهز رأسه رافضاً)
 اسمعننى . . . ده مش هروب ، إحنا مش جنبنا ، إحنا
 مؤمنين ، وده طريقنا عشان نحمى حلمنا من الهوان ،
 عشان يظل حلمنا عايش للأبد . . .

(وقفة)

ماتخافش . . . تعال . . . إنت وأنا شفتنا كتير عشان
حلمننا، لكن ماعدش إلا الهوان . . . تعال !

(وقفة)

حلم المؤمنين شجاع وحر، إنت وأنا نحميه من
الهوان ! تعال . تعال . . . ماتخافش . .
تعال . . .
حلمننا هيظل شجاع وحر . . . أبوه شجاع وحر !
تعال . . . تعال .
فى بطء يتحرك الشاب وفى يده الخنجر ناحية
إختاتون . . .)

إظلام
نهاية المسرحية

رقم الإيداع ٢٤٠٧/٢٠٠٦

الترقيم الدولي I.S.B.N. - 977-09-1526-2